

DASTUURKA JAMHURIYADDA SOMALILAND

Tusmada Dastuurka Jamhuuriyadda Somaliland

Qaybta laad

Xubinta laad Tilmaanta Guud

- 1- Qod. laad: Qaranka Jamhuuriyadda Soomaaliland
- 2- Qod. 2aad: Dalka Jamhuuriyadda Soomaaliland
- 3- Qod. 3aad: Magaalo-madaxda
- 4- Qod. 4aad: Jinsiyadda
- 5- Qod. 5aad: Diinta
- 6- Qod. 6aad: Afka
- 7- Qod. 7aad Calanka, Astaanta iyo Heesta Qaranka

Xubinta 2aad Mabaadi'da Guud

- 8- Qod. 8aad: Sinnaanta Muwaadiniinta
- 9- Qod. 9aad Nidaamka Siyaasadeed
- 10- Qod.10aad Xidhiidhka Debedda
- 11- Qod. 1laad: Dhaqaalaha Dalka
- 12- Qod. 12aad: Hantida Guud, Khayraadka Dabiiciga ah iyo Wax soo-saarka Wadaniga ah
- 13- Qod. 13aad: Baananka
- 14- Qod. 14aad: Cashuuraha Takaaliifta iyo Ribada
- 15- Qod. 15aad: Waxbarashada Dhallinyarada iyo Isboortiga
- 16- Qod. 16aad: Horumarinta Cilmiga iyo Suugaanta Hiddaha iyo Dhaqanka
- 17- Qod 17aad: Caafimaadka
- 18- Qod 18aad: Deegaanka iyo Wax-ka-qabashada Aafooyinka
- 19- Qod. 19aad: Daryeelka Qaybaha Bulshada Baylahsan
- 20- Qod. 20aad: Shaqada, Farsamada, Daryeelka iyo Badbaadinta Shaqaalaha

Xubinta 3aad

Xuquuqda Qofka, Xorriyaadda Asaasiga ah iyo Waajibaadka Saaran Muwaadinka

- 21- Qod. 2laad: Hirgelinta iyo Fasiraadda
- 22- Qod. 22aad: Xuquuqda Siyaasadeed, Dhaqaale, Bulsho iyo Xaqa Doorashada
- 23- Qod. 23aad: Xorriyadda Dhaq-dhaqaaqa iyo Is-abaabulka
- 24- Qod. 24aad: Xaqa Nolosha, Nabadgelyaynta Jidhka, Xurmeynta Magac-samida iyo Dambiyada laga galoo Xuquuqda Aadamiga
- 25- Qod. 25aad: Xaqa Xorriyadda Dammaanad Qaadka iyo Shuruudaha Xuquuqda iyo Xorriyaadka
- 26- Qod. 26aad: Ciqaab iyo Dembi
- 27- Qod. 27aad: Xuquuqda Qofka Xorriyadda laga qaaday
- 28- Qod. 28aad: Xaqa Dacwadda iyo Isdifaaca
- 29- Qod. 29aad: Xurmeynta Hoyga
- 30- Qod.30aad: Xorriyadda Isgaadhsiinta
- 31- Qod 3laad: Xorriyadda Lahaanshaha Hanti-gaarahaaneed.
- 32- Qod. 32aad: Xorriyadda Bannaan-baxa iyo Ra'yi Dhiibashada, Saxaafadda iyo War-baahinta Kale
- 33- Qod. 33aad: Xorriyadda Caqiidada.
- 34- Qod. 34aad: Waajibaadka Muwaadinka iyo Ciqaabta Gudasho La'aanta Waajibaadka
- 35- Qod. 35aad: Isu Celinta Eedaysanayaasha Ama Dembiilayaasha iyo Magangelinta Siyaasadeed .

36- Qod. 36aad: Xuquuqda Haweenka

Qaybta 2aad

Qaab-dhismeedka Qaranka

37- Qod. 37aad: Awoodda iyo karaamada Qaranka

Xubinta laad

Waaxda Xeer Dejinta

38- Qod. 38aad: Baarlamaanka iyo Fadhiyada Wada Jirka ah

Golaha Wakiilada

39- Qod. 39aad: Tilmaanta Guud ee Golaha

40- Qod. 40aad: Tirada Golaha iyo Doorashadusa

41- Qod. 4laad: Shuruuradaha Qofka lsu Taagaya Doorashada

42- Qod. 42aad: Muddada Xilka iyo Xilliga Doorashada

43- Qod. 43aad: Xarunta Golaha

44- Qod. 44aad: Isugu Yeedhidda Golaha Cusub

45- Qod. 45aad: Fadhiyada Golaha Wakijiada

46- Qod 46aad: Kal-fadhiyada iyo Habaynta Golaha Wakiilada

47- Qod. 47aad: Mushaharka iyo Gunnada Golaha Wakiilada

48- Qod. 48 aad: Reebhanaanta Qabashada Xil Kale

49- Qod. 49aad: Dhawrsanaanta Xubinta Golaha Wakiilada

50- Qod. 50aad: Waayidda Xubinimada Golaha Wakiilada

51- Qod. 5laad: Buuxinta Jagada Golaha Wakiilada

52- Qod. 52aad: Shaqaalaha Golaha Wakiilada

53- Qod. 53aad: Awoodda iyo Waajibaadka Golaha Wakiilada

54- Qod. 54aad: Awoodda Xeer-dejinta ee Golaha Wakiilada

55- Qod. 55aad: Miisaaniyadda

56- Qod. 56aad: Kala Diridda Golaha Wakiilada

Xubinta 2aad

Golaha Guurtida

57- Qod. 57aad: Tilmaanta Guud ee Golaha Guurtida

58- Qod. 58aad: Doorashada Xubinta Golaha iyo Muddada Xilka

59- Qod. 59aad: Shuruudaha Qofka bo Dooranayo Golaha Guurtida

60- Qod. 60aad Tirada Golaha Guurtida

61- Qod. 6laad: Awoodda iyo Waajibaadka Golaha Guurtida

62- Qod. 62aad: Fadhiga ugu Horeeya ee Golaha Guurtida

63- Qod. 63aad: Xoghayaha Golaha iyo La-taliyayaal

64- Qod.64aad: Xeer-hoosaadka Golaha

65- Qod. 65aad: Mushaharka iyo Gunnada Golaha Guurida

66- Qod. 66aad: Dhawrsanaanta Xubinta Golaha Guurtida

67- Qod. 67aad: Shaqo-ka-tegidda Xubinta Golaha Guurtida

68- Qod. 68aad: Waayidda Xubinimada Golaha Guurtida

69- Qod. 69aad: Kala-diridda Golaha

70- Qod. 70aad: Reebhanaanta Qabasho Xil kale iyo uga Faa'iidaysiga Xilka Dano Gaar ah

71- Qod.7laad: Fadhiyada iyo Kal-fadhiyada

72- Qod. 72aad: Bannaanaanshaha Jagada Golaha Guurtida iyo soo Buuxinteeda

73- Qod. 73aad: Xarunta Golaha Guurtida

74- Qod. 74aad: Soo Bandhigidda Mashruuc-Sharci

75- Qod. 75aad: Soo-saaridda, Faafinta iyo Dhaqan-gelinta Xeerka

76- Qod. 76aad: Mashruuc-sharci

- 77- Qod. 77aad: Habka loo Raaco Xeer-dejinta
- 78- Qod. 78aad: Mashruuc-sharci kasta aan ahayn kuwa Maaliyadda
- 79- Qod. 79aad: Eedaynta Xubnaha Golayaasha

Qaybta 3aad Waaxda Fulinta

Xubinta laad

- 80- Qod. 80aad: Madaxweynaha iyo Madaxweyne Ku-xigeenka
- 81- Qod. 8laad: Waaxda Fulinta
- 82- Qod. 82aad: Shuruudaha Qofka loo Dooranayo Madaxweyne ama Madaxweyne-Ku-xigeen
- 83- Qod. 83aad: Habka Doorashada
- 84- Qod. 84aad: Madaxweynaha iyo Ku-xigeenka Madaxweynaha
- 85- Qod. 85aad: Waxyaabaha ka Reebban Madaxweynaha
iyo Madaxweyne Ku-xigeenka
- 86- Qod. 86aad: Bannaanaanta Jagada iyo Habka uu Madaxweynuhu ama Madaxweyne Ku-xigeenku Xilka uga Tegi karo
- 87- Qod. 87aad: Mushaharka iyo Gunnada
- 88- Qod. 88aad: Muddada Xilka
- 89- Qod. 89aad: Habka Buuxinta Jagada Bannaanaatay

Xubinta 2aad

- 90- Qod. 90aad: Awoodaha Madaxweynaha
- 91- Qod. 9laad: Awoodaha Madaxweyne Ku-xigeenka
- 92- Qod. 92aad: Awoodaha kale ee Madaxweyne ee La Xidhiidha Xeerarka Degdegga ah.
- 93- Qod. 93aad: Hab-maamuuska Madaxda Sare ee Qaranka
- 94- Qod. 94aad: Golaha Wasirada
- 95- Qod. 95aad: Sii-haynta Xilka
- 96- Qod. 96aad: Eedaynta iyo Maamuus-ka-Xayubinta Madaxweynaha, Ku-xigeenka
Madaxweynaha iyo Wasirada

Qaybta 4aad

Xubinta laad Waaxda Garsoorka

- 97- Qod. 97aad: Waaxda Garsoorka
- 98- Qod. 98aad: Awooddha Garsoorka u Gaarka ah
- 99- Qod. 99aad: Dhismaha Garsoorka
- 100- Qod.100aad: Maxkamadaha
- 101- Qod. 101 aad: Maxkamadda Sare
- 102- Qod.102aad: Maxkamadaha Hoose
- 103- Qod. 103aad: Xeer-ilaalinta
- 104- Qod. 104aad: Maxkamadaha Ciidamada iyo Xeer-ilaalintooda
- 105- Qod. 105aad: Magacaabidda Guddoomiyaha Maxkamadda Sare iyo Garsoorayaasha
Maxkamadda Sare
- 106- Qod. 106aad: Xidhiidhka Hay'adaha Garsoorka iyo Wasaaradda Cadaaladda

Qaybta 5aad Qodobo kala duwan

Xubinta laad

- 107- Qod. 107aad: Guddida Cadaaladda
- 108- Qod. 108aad. Hawsha Guddida Cadaaladda

Xubinta 2aad

- 109- Qod. 109aad: Qaab-dhismeedka Dalka
- 110- Qod. 110aad: Maamuulka Gobollada iyo Degmooyinka
- 111- Qod. 11laad: Golayaasha Gobollada iyo Degmooyinka
- 112- Qod. 12aad: Baahinta Awoodda Maamulka

Xubinta 3aad

- 113- Qod. 113aad: Hay'adaha Dawadda ee Gaarka ah
- 114- Qod. 114aad: Magacaabista iyo Xil-ka-Qaadista Madaxda Hay'adaha
- 115- Qod. 115aad: Guddida Culimada iyo Waajibaadka Guddida
- 116- Qod. 116aad: Tirada Guddida iyo Muddada Xilka
- 117- Qod. 117aad: Shuruudaha Xubnaha
- 118- Qod. 118aad: Waxyaabaha ka Reebban Xubnaha
- 119- Qod. 119aad: Magacaabidda Xubnaha Guddida Culimada
- 120- Qod. 120aad: Bannaanaanshaha Xubinimada Guddida Culimada
- 121- Qod. 121aad: Mushaharka iyo Gunnada
- 122- Qod. 122aad: Xeerka Hay'adaha

Xubinta 4aad

- 123- Qod. 123aad: Mabaadi'da Ciidanka Qaranka
- 124- Qod. 124aad: Ciidamda Booliska iyo Asluubta
- 125- Qod. 125aad: Diyaarinta Xeerka Aftida iyo Magacaabidda Guddida Qabanqaabinta Aftida
- 126- Qod. 126aad: Wax-ka-beddelka iyo Kaabidda Dastuurka
- 127- Qod. 127aad: Xuduudda Wax-ka-Bedelka iyo Kaabidda Dastuurka
- 128- Qod. 128aad: Saldhigga iyo Sarrynta Dastuurka
- 129- Qod. 129aad: Dhaarta Dastuuriga ah
- 130- Qod. 130aad: Dhaqan-gelinta Dastuurka iyo Qodobada kala guurka

Dastuurka Jamhuuriyadda Somaliland

BISMILLAH AL-RAXMANI AL- RAXIIM ARAR

IYADOO UU AYIDSAN YA HAY go'aamaddi Shirkii Beelaha Somaliland ee Burco ee 27dii April ilaa 5tii May 1991kii ee lagula soo noqday madax-bannaanida laga soo bilaabo 18 May, 91kii;

IYADOO UU KA SHIIDAAL QAADANAYO Shirweynihii Guurtida Beelaha Somaliland ee Boorame ee 24kii Jeniitary ilaa 25kii May 1993kii ee lagu guddoonsaday Axdira Qaranka, kaas oo:

- *Waajibeyey in muddada kala guurka ah Ia diyaariyo, aftina loo qaado Dastuur Qaran oo beddela Axdira Qaranka.*
- *Si cad u taabtay mabaadi'da Dastuurka iyo qaab-dhismeedka Dawladda lyada oo uu ku qanacsan yahay xaqa aan cidina ka duudsiyi karin ee uu u lee yahay aaya-katashigiisa.*

IYADOO UU WAAYQ-ARAG U YAHAY cawaaqib xumada Dastuuraan ku salaysnayn caqiidada, dhaqanka /yo doonista ummadda ee lagu soo maamulayey muddo soddon sannadood ah;

IYADOO UU WAAYO-ARAG U YAHAY cidhib-xumada iyo dhibaatada xukunka ku dhisan talo-maroopsiga iyo keli-talisnimada ee dalku ku soo jiray muddo ka badan labaatan sannadood, kana feejigan dib-u-soo noqoshada xukun noocaas ah;

IYADOO UU XUSUUSAN YAHAY halgammadii isdaba jooga ahaa ee shacbiga sida kii Daraawiishta, Culimada Dunta, iyo Axsaabta;

IYADOO UU MAANKA KU HAYQ halgankii kululaa ee isbahaysigii ururka SNM hogaaminayey u soo maray dib-ula-soo noqoshada madax bannaanida ee loo huray naf iyo maalba si loo helo nidaam dawladeed oo ummadda nasteeex u ah;

IYADOO UU HIGSANAYO dawladnimo ummadda wada deeqda, oo Ia mahadiyo, kuna dhisan sinnaan iyo caddaalad;

IYADOO UU YAQINSAN YAHAY in lagu gaadhi karo degganaansho iyo xasillooni waarta, is-waafajinta Ia is-waafajiyo dhaqan-maamuleedka dalka iyo caqiidada ummadda;

IYADOO UU AAMINSAN YAHAY in ummadda Somaliland tahay qoys wax walba wadaaga sida Diinta, dhaqanka, caadooyinka iyo afka, wax ay ku kala duwan tahay sinaba ujirin, diyaarna u tahay in ay wada dhisato dawlad ay u siman tahay;

IYADOO UU OGSOON YAHA Y in diyaarinta Dastuurku soo martay marxalado /yo gudd/yo kala duwan, oo ay ka mid ahayd guddidii isku-soo-dubbarididda Dastuurka ee Shirweynihi 3aad u xilsaaray isku shaandhaynta labadii nuqul taariikhdi 26/11/96, uguna dambaysay kaabiddii /yo wax-ka-beddelkii Dastuurka ee labada Gole Baarlamaan taariikhdiisu ahayd 30 April 2000, laguna saleeyey arrimaha soo socda:

- b. Shareecada Islaamka.
- t. Go'aan qaadasho ku timaadda talo-wadaag.
- j. Isu-dheellitirraanta awoodda dawladnimo oo u qaybsanta; Sharci-dejinta, Fulinta iyo Garsoorka.
- x. Baahinta iyo hoos-u-daadejinta maamulka Xukuumadda (Decentralisai/on).
- kh. Darnmaanad-qaadista lahaanshaha gaar ahaaneed iyo xaq dhowridda suuqa xorta ah.

- d. *Qiimo-weynida nolosha qofka oo Ia imanaysa sugidda xuquuqda asaasiga ah iyo xorriyadaha qofka.*
- e. *Nabadgelyo iyo habsami kula dhaqanka dawladaha gobolka iyo adduunweynaha.*

*IYADDO UU SI FIICAN U DHUUXAY laf iyo ludba ararta iyo mucda Dastuurka:
Shacbiga Somaliland waxa uu halkan ku oggolaaday maanta oo taariikhdu tahay -----
isagoo adduunweynaha halkan ugu caddaynaya inuu Dastuurkan ka dhigtay Dastuurkiisa Qaran.*

Dastuurka Jamhuuriyadda Somaliland

QAYBTA KOWAAD

TILMAANTA QARAN, MABAADI'DA GUUD & XORRIYAADKA ASAASIGA AH

XUBINTA IAAD TILMAANTA GUUD

QODOBKA 1AAD QARANKA JAMHUURIYADDA SOMALILAND

1. Dalkii Maxmiyadda ahaa ee 26kii Juun 1960kii gobanimadiisa ka qaata Boqortooyadii Midowday ee Ingiriiska iyo Waqooyiga Ayrland (United Kingdom of Great Britain and Northern Ireland), lana odhan jiray Maxmiyadda Somaliland, kuna biiray Soomaliya 1dii July 1960kii si ay u wada curiyaan Jamhuuriyadda Soomaaliya [Somali Republic] ee kula soo noqday gooni-isu-taagiisa Go'aankii Shirkii Beelaha Somaliland ee Burco 27kii April ilaa 15 May 1991kii, waxa uu halkan ku noqonayaa sida waafaqsan Dastuurkan dal madax bannaan oo leh xaqa iyo karaamada Qaranimadusa, kuna magacaaban "**Jamhuuriyadda Somaliland**".
2. Awoodda iyo karaamada Qaranimada waxa leh shabiga; wuxuuna u adeegsanayaa si waafaqsan Dastuurka iyo xeerarka kale.

QODOBKA 2AAD DALKA JAMHUURIYADDA SOMALILAND

1. Dalka Jamhuuriyadda Somaliland wuxuu fidsan yahay bed (Area) ahaan dalkii Ia odhan jirey Maxmiyadda Somaliland oo tilmaan ahaan ku yaalla dhigaha (Latitude) 50 ilaa 110 30' Waqooyiga Dhulbadhaha iyo loolka (Longitude) 420 45' ilaa 490 Bariga; waxaanay soohdimihiisu ka kooban yihiin berriga jasuradaha, biyaha gobolleed, dhulka iyo badaha hoostooda, hawada sare iyo xeebleyda (Continental shelf).
2. Jamhuuriyadda Somaliland waxay xad Ia wadaagtaa dhinaca Waqooyi Gacanka Cadmeed; dhinaca Bari Soomaaliya; dhinaca Koonfureed iyo dhinaca Galbeed Jamhuuriyadda Federaalka ah ee Itoobiya; dhinaca Waqooyi Galbeed Jamhuuriyadda Jabuuti.
3. Dhulka Qaranku waa muqaddas; waana laguma xad gudbaan.

QODOBKA 3AAD MAGALO-MADAXDA

Magaalo-madaxda Jamhuuriyadda Somaliland waa Hargeysa.

QODOBKA 4AAD JINSIYADDA

1. Qof kasta oo u dhashay Somaliland, kana issirran dadkii deggenaa dalka Somaliland 26kii Juun 1960k iyo ka hor, waxa loo aqoonsanayaa muwaadin Somaliland.
2. Xeer baa caddaynaya sida lagu heli karo ama laga waayi karo jinsiyadda Somali land.

QODOBKA 5AAD DIINTA

1. Diinta Qaranka Somaliland waa Diinta Islaamka; waxaana geyiga Somaliland ka reebban faafinta diin aan ahayn Diinta Islaamka.

2. Xeerarka dalka waxaa laga qaadanayaa Shareecadda Islaamka; waxaana reebban wixii xeer ah ee ka soo horjeeda.
3. Dawladdu waxay oogaysaa shaca'a'irta dimiga ah (umuurta Diinta); waxaanay fulinaysaa axkaamta Shareecadda. Sidoo kale waxay ka hortegaysaa fisqiga iyo anshax- xumada.
4. Tirsiga taariikhda waxa laga raacayaa tan Islaamiga ah ee Hijriyada iyo tan Miilaadiyada ah.

**QODOBKA 6AAD
AFKA**

- I. Afka rasmiga ah ee Jamhuuriyadda Somaliland waa Af-Soomaaliga; afka labaadna waa Af-Carabiga.
2. Afafka kale waxa loo adeegsan karaa wixii looga maarmi waayo.

**QODOBKA 7AAD
CALANKA, ASTMNTA & HEESTA QARANKA**

1. Calanka Jamhuuriyadda Somaliland wuxuu ka kooban yahay saddex midab oo isle'eg oo ballaadh u goglan. Midabka sare waa Doog, dhexdiisana ay ku qoran tahay Laa-llaaha illa-Lahu Muxamedu Rasuul-Allaah oo Far-Carabi ah, oo midab cad ah; midabka dhexe waa caddaan ay badhtanka kaga taallo xiddig madow oo shan geesley ah, madaxyo simanna leh; midabka hoose waa casaan saafi ah.
2. Astaanta Qaranku waa Galaydh Bunni ah oo ay laabta kaga qoran tahay "ALLAAHU AKBAR" oo Far Carabi ah; kuna taagan laba gacmood oo is-gacan qaadaya, miisaana ka sarreeyo ay labadusa kafadood hareeraha Galaydhka ka laalaadaan. Laba caleemood oo doog ah ayaa hoosta iyo hareeraha kaga wareegsan Galaydhka; labada caleemood baarkooda inta u dhaxaysa waxa ku qoran "Bisinka" oo Far Carabi ah.
3. Heesta Qaranku waa mid muujinaysa bartirmaameedyada Dastuurka, caqiidada ummadda, hab-dhaqmeedka wadatashi; waxanay yeelanaysaa miyuusik u gaar ah oo ka duwan kuwa dalalka kale; waxaana lagu soo saarayaa xeer.
4. Wax-ka-beddelka ama bedelaadda calanka, astaanta, iyo heesta qaranka, waxa jidaynaya go'aan Golaha Wakulada.

**XUBINTA 2AAD
MABAADI'DA GUUD**

**QODOBKA 8AAD
SINNANTA MUWAADINIINTA**

1. Muwaadiniinta Somaliland iyadoon lagu kala saarayn midabka, qabiilka, dhalashada, luqada, lab iyo dhedig, hantida, mudnaanta, afkaarta iwm, waxay sharciga hortiisa ku leeyihiin xuquuq iyo waajibaad siman.
2. Kala sarraynta iyo takoorka ku salaysan issirka, abtirsiga, dhalashada iyo deegaanku waa reebban yihiin, isla markaa barnaamijyada lagu cidhib tirayo dhaqamada xunxun ee 500 jireenka ah waa waajib Qaran.
3. Ajaanibka dalka Somaliland sharci ku jooga waxay xeerka hortusa ku leeyihiin xuquuq iyo waajibaad la siman tan muwaadiniinta, oo ay ka reebban tahay xuquuqda siyaasiyiga ah ee muwaadiniinta u gaarka ah.

**QODOBKA 9AAD
NIDAAMKA SIYMSADEED**

1. Nidaamka siyaasadeed ee Jamhuuriyadda Somaliland waxa saldhig u ah nabad, talo-wadaag, dimuqraadiyad iyo hannaanka xisbiyada badan.
2. Tirada xisbiyada siyaasiga ah ee dalka Jamhuuriyadda Somaliland kama badnaan karaan saddex (3) xisbi.
3. lyada oo xeer gaar ahi habayn doono qaabka loo furan karo xisbi siyaasi ah, waxaa reebban in xisbi lagu dhiso gobollaysi iyo qabyaalad.

QODOBKA 10AAD XIDHIIDHKA DIBEDDA

1. Jamhuuriyadda Soomaaliland waxay dhawraysaa heshiisyadii ay Dawladdii hore 10 odhan jiray Soomaaliya la gashay shirkad ama dawlad shisheeye, haddii aanu ka hor imanay danta iyo maslaxadda Jamhuuriyada Soomaaliand.
2. Jamhuuriyadda Soomaliland waxay aqoonsan tahay, kuna dhaqmaysaa Axdiyada Qaramada Midoobay iyo Qaantuunka Dawliga ah; waxa kale oo ay xurmeynaysaa Baaqa Caalamiga ah ee Xuquuqda Adamiga {Universal Declaration of Human rights}.
3. Jamhuuriyadda Soomaaliland waxay aaminsan tahay mabaadi'ida aayo-ka-talinta ummadaha adduunka.
4. Waxay aaminsan tahay in khilaafaadka siyaasiga ah ee abuurma lagu xallilo dariiq nabadeed iyo wada-hadal; waxay dhawraysaa jiritaanka soohdimaha dalalka kale.
5. Waxay ku dadalaysaa in colaaddii raagtay oo dhex ooli jirtay dalalka Geeska Afrika lagu beddeelo is af-garad iyo isku soo dhawaansho.
6. Dawladda Jamhuuriyadda Somaliland waa Jamhuuriyad xor ah oo ka mid ah Ummadda Carbeed, Shucuubta Afrika iyo Caalamka Islaamka; sidaas daraadeed, waxay ku dadalaysaa siday ugu bun lahayd Jimciyadda Qaramada Midoobay, Ururka Midnimadda Afrika, Jaamacadda Carabta iyo Ururka Dawladaha Islaamka.
7. Dawladda Jamhuuriyadda Somaliland waxay ka soo horjeeddaa falalka argagaxis-nimada iwm, ujeeddo kasta ha lahaadeene.

QODOBKA 11AAD DHAQMLAHA DALKA

1. Si loo xaqijiyo kobcinta wax-soo-saarka, kor-u-qaadidda heerka nolosha, abuuridda goobo shaqo, iyo guud ahaan horumarinta dhaqaalaha dalka, Dawladdu waxay dejinaysaa siyaasadda guud ee dhaqaalaha, oo ku salaysan mabaadi'da suuqa xorta ah iyo is-garabsiga hantida gaar ahaaneed; hantid wadareed, hantida Qaranka iyo maalgelinta shisheeyaha.
2. Iyadoo la dhawrayo inaanu habka dhaqaale noqonin mid horseeda in barwaaqadu ku koobnaato ama ku ururto koox ama dad tiro yar, si aanay u dhalan dabaqado dhaqaale oo ka kooban kuwo wax haysta iyo kuwo aan wax haysan; si aanay u balaadhan farqiga dhaqaale ee u dhaxeeya reer magaalka iyo reer miyiga, waxa Dawladda Jamhuuriyada Somaliland xaqijinaysaa in adeegyada bulsho iyo fursadaha dhaqaale si cadaalad iyo sinnaan ah loo qaybiyo.
3. Maal-gelinta shisheeyaha ee dalka gudahiisa Dawladdaa damaanad qaadaysa; xeer baana lagu nidaaminaya.

QODOBK 12AAD HANTIDA-GUUD, KHAYRAADKA DABIICIGA AH IYO WAX-SOO-SAARKA WADANIGA AH

1. Dhulku waa hanti guud oo ka dhaxeeya Ummadda; mas'uuliysiisana Dawladdaa leh.
2. Daryeelka iyo ilaalinta maalka iyo awqaaffa iyo hantida guud waa waajib saaran Dawladda iyo muwaadiniinta, waxaana geexaya xeer.
3. Xukuumaddu waxay awood u leedahay may yeelato, gacanta ku hayso, hantiguurto ama maguурто ah, may ubsato, ubiso, kiraysato, kirayso, ku bedelato qiimo u dhigma ama ku samayso hantidaas tarasuf kasta oo sharciga waafaqsan.
4. Khayraadka dabiiciga ah ee dalka waxaa mas'uul ka ah Dawladda-dhexe, waxaanay qaadaysaa tallaabo kasta oo suurta gal ah si loo baadho, loogana faa'iidaysto khayraadka ku jira berriga iyo badda dalka. Ilaalinta khayraadka dabiiciga ah iyo sida ugu habboon ee looga faa'iidaysan karo xeer ayaa qeexaya.
5. Hantida guud ee lahaanshaheeda ama ka faa'iidaysiigeeda loo baahdo in Ia wareejiyo waxay ku wareegi kartaa si xeerka waafaqsan.

6. Dawladdu waxay dhiirri-gelinaysaa wax-soo-saarka wadaniga sida beeraha, xoolaha nool, kalluunka, macdanta, faleenka, xabagta iyo warshadaha ku shaqeeya wax-soo-saarka wadaniga ah.
7. Sekadu waa rukun Islaamiya, habayteedana waxaa caddaynaya xeer-gaar ah.

**QODOBKA 13AAD
BAANANKA**

Dawladdu waxay yeelanaysaa Baan dhexe oo hoggaamiya siyaasadda iyo ilaalinta Lacagta Dalka. Wuxuu kale oo Ia suurto-gelinaya furitaanka Baanan ganacsi iyo horu-marineed iyada oo mudnaanta Ia siinayo kuwa gaar-ahaaneed.

**QODOBKA 14AAD
CASHUURAHAA, TAKAALIIFTA & RIBADA**

1. Waajibinta cashuuraha iyo wixii takaaliif ah waxa loo eegaya danta iyo maslaxadda bulshada. Sidaa darteed, cashuur ama takaaliif aan xeer jidayn lama qaadi karo.
2. Curinta, dhaafidda iyo wax ka beddelka cashuuraha iyo wixii takaaliif ah ee kale xeer ayaa jidaynaya.
3. Ribada iyo macaamillooyinka ganacsi ee dhib u leh bulshada iyo ku xoolaysiga sifo aan sharcii ahayni way reebban yihiin.

**QODOBKA 15AAD
WAXBARASHADA, DHALLINYARADA
IYO ISBOORTIGA**

1. Dawladdu waxay mudnaan gaar ah siinaysaa horumarinta, ballaadhinta iyo faafinta cilmiga iyo tacliinta, iyadoo u aragta inay waxbarashadu tahay maalgelinta ugu habboon ee kaalinta ugu weyn ka qaadan karta horumarinta siyaasadeed, dhaqaale iyo bulsho.
2. Waxbarashadu waa mid u danaynaya dadweynaha, kuna habaysan waayaha iyo deegaanka gaar ahaaneed ee bulshada Somaliland.
3. Barashada iyo tarbiyadda Diinta Islaamku waa dariiqad asaasi ah; dhammaan heerarka waxbarashadana waa ku khasab, isla markaana horumarinta dugsiyada Qur'aanku waa waajib saaran Dawladda.
4. Muwaadiniinta iyo shisheeyaha dalka deggeni waxay furan karaan dugsiyo iyo barnaamijyo waxbarasho iyo tababaro oo heer kasta ah oo waafaqsan xeerkha warbarashada.
5. Dawladdu waxay mudnaanta koowaad siinaysaa waxbarashada asaasiga ah; waxaanay u hawl galaysaa in gobollada iyo degmooyinka lagu baahiyoo waxbarashada asaasiga ah.
6. Cidhib tirka akhris-qoris la'aanta iyo waxbarashada dadka waaweyni waa waajib ummadeed waana in shacab iyo Dawladba awood Ia isugu geeyo fulinta waajibkaas.
7. Siyaasadda Qaran ee waxbarashada asaasiga ahi waa lacag la'aan.
8. Si dhallinyarada loogu xaqiijiyo koritaanka jidhka iyo maskaxda oo caafimaad qaba, korna loogu qaado barbaarintooda iyo dareenkooda Dawladdu waxay ahmiyad gaara siinaysaa horumarinta iyo dhiiri-gellinta ciyaaraha jidhka iyo isboortiga, kuwaas oo loo aqoonsan doono maadooyinka asaasiga ah oo ka mid ah manhajka waxbarashada dugsiyada dawladda iyo kuwa kale.

**QODOBKA 16AAD
HORUMARINTA CILMIGA, SUUGAANTA,
HIDDAHA IYO DHAQANKA.**

1. Dawladdu waxay horumarinaysaa cilmiga iyo suugaanta; waxayna dhiirigelinaysaa hal-abuurka iyo cilmi-baadhistaa.
2. Xuquuqda qoraalka, hal-abuurka iyo hindisaha xeer ayaa caddaynaya.

3. Dawladdu waxay horumarinaysaa hiddaha iyo dhaqanka suubban ee bulshada iyada oo isla markaa laga faa'iidaysanayo aqoonta bulshada adduunka. Wuxuu si gaar ah loo dhiirri gelinaya fanka, suugaanta iyo ciyaaraha wadaniga ah, iyadoo Ia dhawrayo aadaabta Islaamka.
4. Dawladdu waxay horumarinaysaa hiddaha iyo dhaqanka suubban ee bulshada, waxayna tirtiraysaa caadooyinka wax u dhimaya Diinta, horumarka, dhaqanka iyo caafimaadka bulshada. Samaynta khamriga iyo beerista ama ka ganacsiga iyo isticmaalka maandooriyuhu geyiga Somaaliland way ka reebban yihiin.

**QODOOKA 17AAD
CAFIMAADKA**

1. Dawladdu iyadoo fulinaysa siyaasadda daryeelka caafimaadka guud, waxa waajib ka saaran yahay ka-haqab-tirka dalka qalabka ka-hortagga cudurrada faafa, helitaanka daaweyn lacag Ia'aan ah iyo daryeelka fayo dhawrka guud.
2. Dawladda waxa xil ka saaran yahay horumarinta iyo baahinta adeegyada caafimaadka iyo xarumaha daryeelka caafimaadka ee gaarka ah.

**QODOOKA 18AAD
DEEGMNKA IYO WAX-KA
QABASHADA MFOOYINKA**

1. Dawladdu waxay mudnaan gaar ah siinaysaa ilaalinta iyo fayo-qabka deegaanka oo asaas u ah caafimaadka bulshadda iyo dhawrista khayraadka dalka. Sidaas darteed, habdhaqanka iyo waxyelada loo gaysto deegaanka xeer ayaa qeexaya.
2. Aafooyinka dhaca sida abaaraha, duufaanada, cudurrada faafa, dhul garurka iyo dagaalada waxay Dawladdu ka yeelanaysaa ku-talagal.

**QODOOKA 19AAD
DARYEELKA QAYBAHA
BULSHADA BAYLAHSAN.**

Dawladdu waxay xil iska saaraysaa caafimaadka, daryeelka, xannaanada iyo waxbarashada hooyada, dhallaanka, naafada cid xannaanaysa aan lahayn iyo dadka aan xiskoodu dhammayn ee aan lahayn awood iyo cid kafaalaqaada.

**QODOOKA 20AAD
SHAQADA, FARSA MADA, DARYEELKA
IYO BADBADINTA SHAQAALAH**

1. Shaqadu waa xaq uu leeyahay kuna waajib ah, muwaadin kasta oo gudan kara. Sidaas darteed, dawladdu waxay xil iska saaraysaa shaqo abuuris iyo tayaynta tababarada shaqaalaha.
2. Ka shaqeysunta carruurta, haweenka, shaqeynta saacadaha habeenimo iyo goobaha shaqada, fasaxyada iyo saacadaha shaqada waxaa qeexaya Xeerka Shaqada.
3. Shaqaaluhu waxay xaq u leeyihii mushahar u dhigma hawsha ay qabtaan, waxayna qof ahaan ama urur ahaanba gorgortan Ia geli karaan loo shaqeeyaha, waxana reebban shaqada oo Ia isku khasbo.
4. Dawladdu waxay ku dadaalaysaa in ay ka dhix abuurto shaqaalaha iyo loo shaqeeyaha is-afgarad iyo xaqsoorid iyada oo sidaas xeer ku soo saaraysa.
5. Shaqaalaha dawladdu iyo xubnaha ciidamada qalabka sida waxay xaq u leeyihii gunnada hawl-gabka iyo kaalmada bukaanka ama shilka iyo kaalmada qofka naafooba oo xeerka waafaqsan.
6. Dawladdu waxay horumarinaysaa habka taakulaynta, caymiska iyo badbaadinta shaqaalaha waxaanay xoojinaysaa hay'adaha ku shaqada leh.

**XUBINTA 3AAD
XUQUUQDA QOFKA, XORRIYAADKA ASAASIGA**

AH IYO WAAJIBAADKA SAARAN MUWAADINKA

QODOBKA 21AAD HIRGELINTA IYO FASIRAADDA

1. Waaxaha Xeer-dejinta, Fulinta iyo Garsoorka ee Qaranka iyo kuwa dawladaha hoose ee gobollada iyo degmooyinka Jamhuuriyadda Somaliland heer kasta ha ahaadeene, waxay u hoggansamayaan shuruucda ku cad qdobada xubintan.
2. Qdobada la xidhiidha xuquuqda iyo xorriyaadka aasaasiga ah waxa loo fasiraya si waafaqsan bayaannada caalamiga ah ee xuquuqda aadamaha iyo xeerarka caalamiga ah ee Dastuurka ku xusan.

QODOBKA 22AAD XUQUUQDA SIYAASADEED, DHAQAALE, BULSHO IYO XAQQA DOORASHADA

1. Muwaadin kasta wuxuu xaq u leeya hay in uu ka qayb gab hawlahaa siyaasadeed, dhaqaale, buisho iyo hiddaha si waafaqsan xeerarka iyo Dastuurka.
2. Muwaadin kasta oo buuxiya shuruudaha xeerku tilmaamayo wuxuu xaq u Ieeyahay in la doorto, waxna uu doorto.

QODOBKA 23AAD XORRIYADDA DHAQDHAQAAQA IYO IS-ABAABULKAA

1. Qof kasta oo muwaadin ah ama si xeerka waafaqsan dalka ku jooga waxa uu xor u yahay in uu dalka ka maro ama ka dego meel kasta oo uu doono, iyo weliba in uu ka baxo ama ku soo Iaabto dalka marka uu doono.
2. Arrimaha ku xusan faqradda laad ee qdobkan waxa ka reebban meelaha ama waqtiyada xeerku ka reebo mariddeeda ama degitaankeeda.
3. Muwaadiniintu waxay xor u yihin in ay isu habeeyaan ururro siyaasadeed, cilmiyeed, dhaqameed, bulsheed, xirfadeed, ama kuwa shaqaale si waafaqsan xeerka.
4. Waxaa reebban urur kasta oo leh ujeeddooyin lid ku ah danaha ummadda ama qarsoodi ah ama Ieh qaab cudan ama hubaysan amaba kuwa kale ee khilaafsan xeerka weji kasta ha lahaadeene.

QODOBKA 24AAD XAQA NOLOSHA, NABAD GALEYNTA JIDHKA, XURMAYNTA MAGAC-SAMIDA IYO DAMBIYADA LAGA GALO XUQUUQDA AADAMIGA

1. Nafta aadamuhu waa deeq llaahay, waana qaali; qof kastaana wuxuu xaq leeyahay noloshiisa, wuxuna ku waayi karaa oo keliya marka maxkamad horteed uu ku caddaado dembi uu xeerku jideeyey in dil lagu mutaysan karo.
2. Qofku wuxuu xaq u leeyahay in la nabad galiyo jidhkiisa; ciqaabta jidhka iyo wax yeelo kasta oo loo geysto way reebban tahay.
3. Qof kasta wuxuu xaq u leeyahay in Ia xurmeeyo sharaftiisa, sumcadiisa iyo noloshiisa gaar ahaaneed.
4. Dambiyada laga gab xuquuqda qofka sida xasuuqa, di maxkamad la'aan ah, jidh dilka iyo wixii la mid ah malaha muddo dhaaf

QODOBKA 25AAD XAQA XORRIYADDA, DAMMAANAD-QAADKA IYO SHURUUDAH XUQUUQDA IYO XORRIYMDKA

1. Qofna xorriyaddiisa loogama qaadi karo si aan xeerka waafaqsanayn.

2. Ma bannaana in qofna la qabto, la baadho ama la xayiro, haddii uusan markaa dembi faraha kula jirin, ama aanu amar qabasho oo sababaysan ku soo saarin Garsoore awood u lihi.
3. Dawladda ayaa muwaadiniinta u dammaanad qaadaysa xuquuqda iyo xorriyadaha. Xeer ayaa qeexaya ciqaabta ka dhalan karta ku xad gudubkooda.
4. Dhammaan xorriyaaka qofka waxa shardi ah in ayna ka hor iman xeerarka anshaxa guud, xasiloonida dalka ama xuquuqda qofka kale.

QODOBKA 2 6AAD CIQAAB IYO DEMBI

1. Ciqaab iyo dembi waa wixii qodob xeer ama qaunuun jideeyey, waxaana reebban in ciqaabta loo fuliyo hab aan xeerka waafaqsanayn.
2. Mas'uuliyadda dembi ciqaabeed waxay ku kooban tahay cidda geysatay oo keliya.
3. Eedaysanuhu waa dembi-laawe inta aanu maxkamad horteed kaga caddaanin dembi.

QODOBKA 27AAD XUQUUQDA QOFKA XORRIYADDA LAGA QAADAY

1. Qofka xorriyadda laga qaaday waxa uu xaq u leeyahay in uu la kulmo sida ugu dhaqsaha badan qareenkiisa, qaraabadiisa ama ciddi kale ee uu codsado.
2. Qofka xorriyadda looga qaaday fal-dembiyeed lagu eedeeyey awgeed, waxa uu xaq u Ieeyahay in lagu hor geeyo maxkamad 48 (siddeed iyo afartan) saacadood gudahood, laga bilaabo marka Ia qabtay.
3. Waxa reebban in qofka lagu dirqyo qirasho dembi, marag furid, ama dhaar. Mid kasta oo arrimahaa ka mid ah oo qofka khasab lagu marsiyyaana wax-kasoo qaad ma laha.
4. Waxa reebban in qofka lagu xidho meel aanu xeerku bannayn.
5. Xeerka ayaa xadayanaya muddada ugu badan ee qof loo hayn karo baadhitaan.
6. Eedaysanuhu wuxuu xaq u Ieeyahay in go'aan maxkamadi ku ridday uu racfaan uga qaato maxkamadda ka sarrayasa.
7. Marka qof la qabto iyo marka la cusboonaysiinayo sii-hayntiisa waxa uu xaq u leeyahay in la ogeysiyo arrintiisa cidda uu doorto.
8. Xabsigu waa edbin iyo toosin. Dawladana xilbaa ka saaran kor-u-qaadidda akhlaaqda iyo xirfad baridda maxbuuska si uu ugu noqdo bulshada isaga oo yeeshay dhaqan suubban.
9. Ciqaabta lagu mutaysan karo jebinta faqradaaha 1aad ilaa 7aad ee qodobkan xeer ayaa caddayanaya.

QODOBKA 28AAD XAQA DACWADDA & ISDIFAACA

1. Qof kasta wuxuu xaq u leeyahay inuu dacwad xeerka waafaqsan ka furto maxkamadda awoodda u Ieh.
2. Qof kastaa wuxuu xaq u leeyahay in uu iska difaaco maxkamadda horteeda.
3. Xaaladaha xeerku tilmaamyo Qaranku wuxuu kafaalo qaadayaa inuu bixiyo difaac lacag la'aan ah; iyada oo saboolkana laga dhaafi karo ajuurada maxkamadda

QODOBKA 29AAD XURMAYNTA HOYGA

Hoyga iyo meelaha kale ee la deggan yahay waxay leeyihiin xurmowntooda; mana bannaana basaasiddooda, baadhidooda iyo geliddooda, haddaanu jirin amar garsoore oo sababaysan. Waxa waajib ah in si toos ah loogu akhriyo amarka garsooraha mulkiilaha ama degganaha hoyga inta aan la gelin. Baadhaha waxa ka reebban ku xad-gudubka amarka garsooraha.

QODOBKA 30AAD XORRIYADDA ISGAADHSIINTA

Qofna lama fara-gelin karo qoraalladiisa gaarka ah, waraaqihiiisa boosta ama xidhiidhkiisa isgaadhsiineed, marka laga reebo xaaladda uu xeerku baneeyo baadhitaankooda, daba-galkooda, ama dhegaysigooda iyada oo ay markaana waajib tahay in la helo amar garsoore oo sababaysan.

QODOBKA 31AAD
XORRIYADDA LAHAANSHAHAD
HANTI GAAR-AHMNEED

1. Qof kastaa waxa uu xaq u Ieeyahay in uu si gaar ah u yeesho hanti, taas oo ay shardi tahay in uu ku helo waddo xalaal ah.
2. Hantida gaar ahaaneed ee lagu helay si xeerka waafaqsan, lalama wareegi karo dan guud awgeed mooyaane, iyadoo markaana Ia bixinayo cawil-celin munaasib ah.
3. Xeer ayaa xadayanaya waxyaabaha geli kara danta guud ee keeni kara la wareegidda hanti gaar-ahaaneed.

QODOBKA 32AAD
XORRIYADDA BANNAANBAXA,
RA'YI - DHIIBASHADA, SAXAAFADDA IYO WARBAHINTA KALE

1. Muwaadin kasta waxa uu xor u yahay in uu ra'yigiisa ku bandhigo qoraal, hadal, muuqaal, suugaan ama qaab kale oo xeerka waafaqsan.
2. Muwaadin kasta wuxuu xor u yahay inuu abaabulo kana qayb qaato, kulan ama bannaan-bax nabadeed oo xeerka waafaqsan.
3. Saxaafadda iyo warbaahinta kale waxay ka mid yihiin xorriyaadka asaasiga ah ee ra'yi-dhiibashada, waxayna leeyihiin madax-bannaanidooda; way reebban tahay tallaabo kasta oo Iagu cabudhinayo; hawhoodana xeer baa nidaaminaya.

QODOBKA 33AAD
XORRIYADDA CAQIIDADA

1. Qof kasta wuxuu xor u yahay caqiidadiisa, lagumana qasbi karo inuu qaato tu kale. Shareecadda Islaamku ma oggola in qofka Muslinka ah ka noqdo caqiidadiisa.
2. Masaajidku waa goob cibaado, waxaanu mudan yahay xurmayn. Waa goob lagu fidiyo Diinta iyo hanuuninta ummadda dun iyo adduunyaba. Waxa reebban in laga jeediyo waxyaabaha ummadda kala kaxayn kara; dawladduna waxay ku leedahay ilaalin guud iyo kaalmayn wixi suurto-gal ah.

QODOBKA 34AAD
WAAJIBMDKA MUWAADINKA IYO CIQAABTA
GUDASHO LA'AANTA WAAJIBAADKA

1. Muwaadin kasta waxa waajib ku ah adkaynta midnimada ummadda, ilaalinta jiritaanka Qaranimada iyo difaaca dalka iyo dunta si waafaqsan xeerka.
2. Qof kasta waxa ku waajib ah inuu xaq dhawro Dastuurka iyo xeerarka dalka.
3. Qof kasta waxa ku waajib ah inuu si hagar la'aan ah u bixiyo cashuurta iyo takaaliifta kale ee xeerku waajibiyey.
4. Qof kasta waxa waajib ka saaran yahay daryeelka, ilaalinta iyo badbaadada deegaanka.
5. Xeerka ayaa caddeynaya ciqaabta ka dhalan karta gudasha la'aanta waajibaadka ku xusan faqradda laad, 2aad, 3aad iyo 4aad.

QODOBKA 35AAD
ISU-CELINTA EEDAYSANAYAASHA AMA
DEMBIILAYAASHA IYO MAGAN-GELINTA SIYAASADEED

- Qofka shisheeyaha ah ee dalka ku soo galay ama ku joogay si xeerka waafaqsan ee weydiista magangelyo siyaasadeed, waa Ia sun karaa haddii uu buuxiyo shuruudaha ku xusan xeerka u dhigan magan-gelinta.
- Ma bannaana in muwaadinka Somaliland loo dhiibo dawlad shisheeye.
- Jamhuuriyadda Somaliland waxay dib u celin kartaa dampule ama eedsansane dalkiisa ka soo cararay, haddii uu jiro heshiis dhex maray Jamhuuriyadda Somaliland iyo dalka weydiistay celintiisa.

QODOBKA 36AAD XUQUUQDA HAWEENKA

- Xuquuqda, xorriyaadka iyo waajibaadka Dastuurku xaqijihey, haweenku ragga way ula siman yihiin, wixii Shareecadda Islaamka midkood u gaar yeeshay mooyaane.
- Xukuumaddu waa in ay dhiirri-gelisaa xeerna ka soo saartaa xaqa ay haweenku u leeyihiin in ay ka xoroobaan dhaqamada aan Shareecadda waafaqsanayn ee waxyelada u leh jidhkooda iyo damurkooda.
- Haweenku waxay xaq u leeyihiin in ay hanti yeeshaan, maamulaan, kormeeraan, adeegsadaan, gudbin karaan si Shareecadda waafaqsan.
- Si sare Ioogu qaado aqoonta iyo dakhliga haweenka iyo weliba daryeelka qoyska, haweenku waxay xaq u leeyihiin in loo fidiyo waxbarashada dhaqaalah qoyska iyo in loo furo dugsiyada farsamada iyo xirfadaha gaarka ah iyo kuwa waxbarshada dadka waaweyn.

QAYBTA LABAAD

QAAB-DHISMEEDKA QARANKA

QODOBKA 37AAD AWOODDA IYO KARAAMADA QARANKA

- Eebbaa ummadda Somaliland ku beeray geyigani waxa uu ugu deeqay awood iyo karaamo Qaranimo. Shacbiga Jamhuuriyadda Somaliland waxa uu awooddaas iyo karaamadaas sida ku cad Dastuurka u igmaday dawlad ku dhisnaan doonta kuna dhaqmi doonta Dastuurka.
- Dhismaha Qaranku wuxuu ka kooban yahay saddex waaxood oo kala ah: Xeerdejinta, Fulinta iyo Garsoorka. Kala xadaynta awoodaha saddexda waaxood waxay noqon doonaan sida uu Dastuurku dhigayo. Waax waliba awoodda Dastuurku u gaar yeelay way u madax bannaan tahay.

XUBINTA 1AAD

WAADA XEER-DEJINTA

QODOBKA 38AAD BAARLAMAANKA IYO FADHIYADA WADA JIRKA AH

- Awoodda Xeer-dejinta ee Jamhuuriyadda Somaliland waxay gaar ku tahay Baarlamaanka oo ka kooban laba Gole oo kala ah Golaha Wakulada iyo Golaha Guurtida. Xilka xeer-dejintu uma wareegi karo cid ka baxsan Baarlamaanka.
- Mashruuc-sharci Baarlamaanku oggolaadeen wuxuu xeer dhaqan gal ah noqonayaan marka uu Madaxweynuhu u soo saaro hab waafaqsan Dastuurka.
- Baarlamaanku xilgudashadiisa wuxuu ku salaynayaa Dastuurka iyo xeerhoosaadyadiisa.
- Himilooyinka xilgudashada Baarlamaanka waxa ugu muhiimsan arrimahan soo socda:
 - Sugidda nabadjelyada iyo ammaanka Jamhuuriyadda iyo u madax-bannaanida maamulka dhulkeeda, baddeeda, iyo hawadeeda.

- t- In Jamhuuriyadda Somaliland yeelato dhammaan xeerarka ay U baahan tahay dawlad slaam ah.
 - j- Hirgelinta xeerarka u degsan Jamhuuriyadda Somaliland iyo xaqijinta taabbagalka cadaaladda oo saldhig u ah xasilloonida guud ee Jamhuuriyadda iyo isukalsamaanta iyo iskaashiga dadweynaha Somaliland.
5. Labada Gole ee Baarlamaanku waxay yeelanayaan fadhiyo ay wadaagaan iyo kuwo gaar u kala ah.
 6. Labada Gole ee Baarlamaanku fadhiyo wadajir ah ayey ka yeelanayaan arrimaha ay ka mid yihiin:
 - b- Dhegeysiga Warbixinta Madaxweynuhu ka jeediyo furitaanka labada Gole,
 - t- Marka laga doodayo ku buridda Jamhuuriyadda Somaliland urur ama huwan gobolleed ama caalami ah ama ansixinta heshusyada leh dabeecad gobolleed ama caalami.
 - j- Go'aaminta iyo ku dhawaaqidda xaaladaha dagaal marka Jamhuuriyadda Somaliland Ia soo gudboonaado dagaal.
 - x- Doodaha ku saabsan aafooyinka dabuciga ah; kh- Doodaha Ia xidhiidha xeerarka deg-degga ah;
 - d- Ansixinta magacaabidda Guddoomiyaha Maxkamadda Sare.
 - r- Arrimaha kale ee 2da Gole Ia habboonaata inay fadhi wada-jir ah ka yeeshaan.

GOLAHA WAKIILADA

QODOBKA 39AAD TILMAANTA GUUD EE GOLAHA

Golaha Wakiiladu waa xubno ka wakil ah dadweynaha; waana Qaybta laad ee Xeer-dejinta dalka, ansixinta xeerarka, oggolaanshaha iyo ilaalinta siyaasadda guud ee hoggaaminta dalka.

QODOBKA 40AAD TIRADA GOLAHA IYO DOORASHADIISA

Golaha Wakiilada waxa uu ka kooban yahay 82 xubnood oo lagu soo doorto doorasho guud oo toos ah iyo cod-bixin qarsoodi ah oo xor ah.

QODOBKA 41AAD SHURUUDAHA QOFKA ISU-TAAGAYA DOORASHADA

1. Inuu Muslim yahay, kuna dhaqmaa Diinta Islaamka
2. Inuu Muwaadin yahay, da'diisuna ka yaraan shan iyo soddon sano {35 sano}.
3. Inuu jidh ahaan iyo caqli ahaanba u gudan karo xilkiisa.
4. Inuu leeyahay aqoon dugsi sare ama wax u dhigma ugu hoosayn.
5. Inaanu hore ugu dhicin xukun cizaabeed oo kama dampays ah, oo maxkamad horteeda kaga caddaaday shantii sano ee ugu dampaysay.
6. Inuu yahay xil-kas; akhlaaqdiisa iyo dhaqankiisuna toosan yihiin.
7. Uma bannaana qof shaqaale Dawladdeed ah inuu isu taago doorasho haddaanu muddada xeerku cayimay ka hor shaqo ka tegid codsan taas oo in laga aqbalaana ay waajib tahay.

QODOBKA 42AAD MUDDADA XILKA IYO XILLIGA DOORSHADA

1. Muddada xilka Golaha Wakiiladu waa 5 (shan) sano oo ka bilaabmaya maalinta Maxkamadda Sare ay ku dhawaaqdo go'aamada doorashada.
2. Madaxweynaha ayaa ku dhawaaqaya doorashada Golaha cusub bil ka hor dhammaadka muddada Golaha hore.
3. Haddii doorashada Golaha Wakiiladu ku qabsoomi weydo duruufo adag awgeed, Golaha hore ayaa xilka sii haynaya inta ay ka dhamaanayso duruufaasi, lagana dooranayo Gole cusub.

Duruufaha adagi waa: dagaal baahsan, xasilooni darro gudaha ah, aafso dabiici ah oo culus sida dhul gariir, cudurrada faafa, abaaro culus; waxaana qiimaynaya kana go'aan gaadhaya Golaha Guurtida ka dib marka Golaha Xukummaddu sidaa soo jeediyoo.

QODOBKA 43AAD
XARUNTA GOLAHA WAKIILADA

Xarunta Golaha Wakiiladu waa Magaalo-madaxda.

QODOBKA 44AAD
ISUGU YEEDHIDDA GOLAHA CUSUB

1. Golaha cusub waxa uu qabanaya fadhigiisa ugu horreeya 30 (soddon) maalmood gudahood oo ka bilaabmaysa maalinta Iagu dhawaaqo go'aamada doorashada; waxaana isugu yeedhaya Madaxweynaha Jamhuuriyadda.
2. Haddii Madaxweynuhu isugu yeedhi waayo, Golaha ayaa u kulmaya iskii maalinta 45aad (Shan iyo afartanaad) laga bilaabo maalinta lagu dhawaaqo go'aamada doorasho.
3. Golaha cusub waxaa furaya Guddoomiyaha Maxkamadda Sare oo dhaarinaya xubnaha. Markaa waxaa guddoominaya shirka xubinta ugu da'da weyn; waxaana Goluhu iska dhex dooranaya Guddoomiyaha iyo laba Guddoomiye ku-xigeen.

QODOBKA 45AAD
FADHIYADA GOLAHA WAKIILADA

1. Fadhiyada Golaha Wakiiladu waa kuwo furan, kuwo xidhana way noqon karaan; xeer hoosaad baana nidaaminaya.
2. Fadhiga Golaha Wakiiladu waxa uu ku furmi karaa marka ay joogaan kala badh in ka badani, marka laga reebo kuraasida bannaanshahooda Ia baahiyay.
3. Go'aamada Golaha waxa ay ku ansaxayaan hal dheeri xubnaha jooga fadhiga (aqlabiyyad fudud), marka laga reebo xaaladaha Dastuurku ama Xeerhoosaadka Goluhu uu u jideeyo aqlabiyyad kale.
4. Dib-u-dhigid fadhi wuxuu ku ansaxaya aqiabyad fudud (hal dheeri); waxaana dib loo dhigi karaa ugu badnaan toddoba (7) maalmood.
5. Wasiirada iyo Wasiir-ku-xigeennada waxa ku waajib ah inay ka qayb galaan fadhiyada Golaha Wakulada iyo Guddiyadiisa haddi qoraal lagaga codsado sidaa; waxaanay xaq u leeyihiin inay ka qayb qaataan doodda; hase yeeshee xaq uma laha codayn. Sidoo kale Madaxweynaha waxaa u bannaan in uu u wakiisho Ku-xigeenka Madaxweynaha ama Wasiir kasta ka qayb-galka fadhiyada Golaha Wakijiada

QODOBKA 46AAD
KAL-FADHIYADA IYO HABAYNTA
GOLAHA WAKIILADA

1. Waxa Goluhu yeelanaya 3 (Saddeex) kal-fadhi oo caadi ah sannadkiiba oo qaadanaya muddo 28 (siddeed iyo Iabaatan) toddobaad ah. Labadi kal-fadhi waxaa u dhaxaynaya ugu yaraan 4 (afar) toddobaad, ugu badnaana 8(siddeed) toddobaad.
2. Kal-fadhiga aan caadiga ahayn ee Golaha Wakiulada waxa uu ku qabsoomi karaa:
 - a) Codsi ka yimid Madaxweynaha;
 - b) Guddoomiyaha Golaha Wakulada oo isugu yeedha.
 - c) 1/3 (saddeex-meelood, meel) tirada xubnaha Golaha Wakulada oo qoraal ku cogsada.
3. Kal-fadhigiisa ugu horreeya waxa Golaha Wakiiladu ku ansixinaya xeerhoosaadkiisa; waxaanu ku dhisanaya guddi-hoosaadyo inta uu u baahdo.
4. Khudbadda Qaranka waxa jeedinaya Madaxweynaha kal-fadhiga u horeeya sannad walba, waxayna ka war bixinaysaa: siyaasadda, barnaamijyada Dawladda, dhaqaalaha, xaaladda lacageed & xaaladda nabadjelyada.

**QODOBKA 47AAD
MUSHAHARKA IYO GUNNADA
GOLAHA WAKIILADA**

Xubnaha Golaha Wakiiladu waxay yeelanayaan mushahar iyo gunno xeer qeexo.

**QODOBKA 48AAD
REEBBANAATA QABASHADA XIL KALE IYO
UGA FAA'IIDEYSIGA XILKA DANO GAAR AH**

Xubinta Golaha Wakijiada uma bannaana in ay qabato xii kale oo Dawladeed, iyadoo xilkii loo doortay haysa; umana bannaana inay uga faa'iideysato xilkaasi dano gaar ahaaned.

**QODOBKA 49AAD
DHAWRSANAANTA XUBINTA
GOLAHA WAKIILADA**

1. Xubinta Golaha Wakiilada loo qaban maayo, waxna loogu qaadi maayo arrin uu ogaaday ama uu Golaha soo hor-dhigay ama arrimo uu ra'yi ka dhiibay.
2. Waxaa ka reebban xukunkaas faqradda laad wixii cay ama aflagaado ah ee xubantu geysato.
3. Ma bannaana in laga qaado xubinta Golaha Wakiilada tallaabo baadhitaan ama waraysi ama qabasho ama xidhitaan ama tallaabo kale oo ciqaab la xidhiidha iyadoo oggolaansho looga helo Golaha Wakiilada mooyaane.
4. Waxa xubinta tallaabo laga qaadi karaa haddii Iagu qabto isagoo dembi faraha kula jira; markaana waxa waajib ah in Golaha si deg-deg ah loo ogeysiyo.
5. Golaha waxa ku waajib ah inuu hubiyo in tallaabada laga qaaday xubinta ay tahay mid toosan.
6. Haddii aanu Goluhu fadhiyin, waxa waajib ah in oggolaanshaha tallaabada laga qaadayo xubinta laga helo Guiddida Joogtada ah ee Golaha Wakiilada; Golohana waxa la soo hor-dhigayaa kal-fadhiga xiga.
7. Dacwadaha aan ciqaabta ahayn waa lagu oogi karaa xubinta Golaha Wakiilada iyadoo aan oggolaanshaha Golaha Wakiilada loo baahnayn.

**QODOBKA 50AAD
WAAYIDDA XUBINIMADA GOLAHA WAKIILADA**

Xubinimada Golaha Wakuda waxa la waayi karaa haddii:

1. Xubintu geeriyooto ama uu ku yimaado xanuun suurto gelin waaya gudashada xilkeeda;
2. Xubintu istiqaalad dhiibto, iskeedna shaqada uga tagto; Goluhuna ka oggolaado;
3. Uu jabo shardi ka mid ah shuruudihii lagu soo doortay; ama uu gudan waayo xilkiisa;
4. Uu ku dhaco xukun ciqaabeed kama dambays ah oo maxkamad horteed kaga caddaaday;
5. Uu ka maqnaado Golaha 20 (Iabaatan) fadhi oo isku xiga idin la'aan.

**QODOBKA 51AAD
BUUXINTA JAGADA GOLAHA WAKIILADA**

Haddii ay bannaanaato jagada xubin ka mid ah Golaha Wakuada ka hor lixda bilood ee ugu dambaysa muddada xilka Golaha, waxa loo soo buuxinayaa si waafaqsan xeerka, iyadoo xubinta cusubi ay dhamaystirayso muddada xilka Golaha ka hadhay.

**QODOBKA 52AAD
SHAQAALAH GOLAHA WAKIILADA.**

1. Golaha Wakiiladu wuxuu yeelanaya Xoghayn uu madax ka yahay Xoghaye Guud oo aan ka tirsanayn Golaha Wakuada; kana kaalmaynaya Shir-guddoonka Golaha hawlahaa xfiska, dhammaan arrimaha maaliyadda iyo maamulka, wuxuuna yeelanaya Ku-xigeen.
2. Golaha Wakulada wuxuu yeelanaya lataliyeyaa sida Lataliye-sharci, dhaqaale, siyaasadeed iwm oo lagu xusho khibrad iyo aqoon ay u leeyihiin hawlohooda.

- Shaqaalahalaha kale ee Xoghaynta waxa shaqo gelinaya Xoghayaha Guud marka uu ka helo ogolaansho Shir-guddoonka. Xoghayaha Guud, Ku-xigeenka, Lataliyayaasha iyo shaqaalahalaha kale magacaabjstooda, xil ka qaadistooda, gunnadooda, iyo xuquuqdooda, waxa lagu caddaynayaa xeer-hoosaadka Golaha.

**QODOBKA 53AAD
AWOODDA IYO WAAJIBAADKA
GOLAH A WAKIILADA**

- Waxa waajib ah inuu oggolaansho Golaha Wakiilada ka helo qof kasta oo loo magacaabo Wasiir, Wasiir-ku-xigeen, iyo Madaxda Hay'adaha Dawladda, iyadoo la raacayo Dastuurka.
- Golaha Wakiiladu waxa kale oo uu awood u leeyahay ka doodista, wax -kasheegista, celinta oo sababaysan iyo ansixinta Barnaamijka Xukuumadda.
- Golaha Wakiiladu waxa uu ansixinayaa heshiisyada dawliga ah ee ay ka mid yihiin kuwa siyaasadeed, dhaqaale iyo nabadjelyo ama kuwa keenaya culays maaliyadeed oo cusub oo aan ku soo aroorin miisaaniyadda, ama keenaya soosaarid ama wax-ka beddelid qaunuun.
- Golaha Wakiiladu waxa uu u gudbinaya Golaha Xukuumadda tallooyin iyo tilmaamo ku saabsan siyaasadda guud ee hogaaminta.
- Ku-soo rogida dalka, ama qayb ka mid ah xukun deg-deg ah, waxa Golaha Xukuumaddu uu waydiisanayaa labada Gole (Golaha Wakiilada & Golaha Guuritda) oggolaansho.
- Golaha Wakiiladu waxa uu awood u leeyahay inuu u yeedho Xukuumadda ama hay'adaheeda iyo wakaaladaheeda, si uu wax uga waydiyo gudashada xilkooda.
- Guddiyada Golaha Wakiiladu waxay awood u leeyihiin in ay Wasiirkha ama madaxda hay'adaha Dawladda ama madaxda sare ee kale ee Qaranka ee hawshoodu khusayso, in ay wax ka waydiyaan gudashada xilkooda.

QODOBKA 54AAD

Awoodda Xeer-dejinta ee Goluhu waa in ay gaadhsiisnaataa arrimaha maaliyadda ee soo socda:

- Jideynta cashuuraha, takaalifta, iyo tallaaboojin kale oo kor Ioogu qaadayo dakhliga.
- Asaasidda kaydka dakhliga Somaliland ama kaydad kale oo loo qoondeeyey xaalado gaar ah. Habka loo maamulaayo, loogu ururinayo iyo looga bixinayo xeer ayaa nidaaminaya.
- In Ia daabaco lacag, lana soo saaro shahaadooyin rahmadeed, iyo kuwa kale oo leh qumo dammaanadeed.
- Habaynta nidaamyada dhaqaale iyo kuwa lacageedba.

**QODOBKA 55AAD
MIISAANIYADDA**

- Golaha Wakiiladu waxa uu ka doodi karaa, waxna ka beddeli karaa miisaaniyadda, kuna ansixinayaa go'aan Gole.
- Haddii ansixinta miisaaniyadda cusubi dhammaan weydo ka hor bilowga sannad-maaliyadeedka cusub, waxa lagu dhaqmaya miisaaniyaddii hore inta ay ka soo baxayso miisaaniyadda cusubi.
- Golaha Wakiilada ayaa oggolaanaya gelidda kharash kasta oo aan miisaaniyadda ku jirin.
- Xeer ayaa caddaynaya habka soo diyaarinta miisaaniyadda guud iyo sannadmaaliyadeedka.
- Xeer ayaa caddaynaya miisaaniyadda iyo xisaab-xidhka hay'adaha, wakaaladaha iyo shariikadaha dawladeed ama kuwa ay wax ku leedahay iyo u soo bandhigidooda Golaha Wakijada.
- Waa waajib u soo bandhigidda Golaha Wakulada xisaab-xidhka sannad-maaliyadeedkii dhammaaday muddo aan ka badnay lix bilood oo ka bilaabanta taariikhda dhammaadka sannad-maaliyadeedka, iyadoo Golaha Wakiilladu ka doodayo, go'aanna ka soo saarayaan.
- U soo bandhigidda xisaab-xidhka miisaaniyadda waxa u xilsaaran Hantidhawraha Guud.

QODOBKA 56AAD
KALA DIRIDDA GOLAHA WAKIILADA

Golaha Wakiilada waxa Ia kala diri karaa:

1. Marka uu fadhiisan waayo laba kal-fadhi oo caadiya oo isku xiga, iyadoo aanay keenin duruuf awoodooda ka baxsani.
2. Marka ay soo jeediyan inuu kala dirmo 1/3 {saddex meelood, hal} tirada xubnaha Goluhu; isukuna raacaan 2/3 {saddex meelood laba}tirada guud ee xubniiisa.
3. Xaaladaha ku xusan faqraddaha {1} iyo {2} ee qodobkan waxa go'aan ka soo saaraysa Maxkamadda Dastuurka, iyadoo xaaladda ku xusan faqradda {laad} ay Maxkamaddu u soo gudbinayso Madaxweynaha xaaladda ku xusan faqradda 2aadna Golaha Wakiilada.
4. Golaha Wakiilada waxa kale oo kala diri kara Madaxweynaha, ka dib marka uu dadweynuhu sababaha uu ku dhisay kala diridooda ku oggolaado Afti-qaran oo ay qaban-qaabiso Maxkamadda Dastuuriga ahi.
5. Madaxweynuhu marka uu arko go'aanka Maxkamadda Dastuuriga ee ay ka soo saarto xaaladda ku xusan faqradda {1} ama {2} ee qodobkan, ama natijada aftida dadweynaha ee ku xusan faqradda {4} ee qodobkan, waxa uu ku soo saarayaas Xeer-Madaxweyne kala diridda Golaha Wakiilada, isaga oo isla markaa baahinaya taariikhda doorashada Golaha cusub oo ku qabsoomaya 60 {lixdan} maalmood gudahood.
6. Haddii aftida Qaranku taageeri weydo kala diridda Golaha Wakiilada, ama doorashadu qabsoomi waydo, Golihii hore ayaa xilka haynaya.
7. Ma bannaana kala diridda Golaha Wakulada sannadka u horeeya ee Golaha iyo sannadka u dambeeyaa ee muddada xilka Madaxweynaha.

XUBINTA 2AAD
GOLAHA GUURTIDA

QODOBKA 57AAD
TILMAANTA GUUD EE GOLAHA

Golaha Guurtida Jamhuuriyadda Somaliland, oo ah Golaha Odayaasha, waa Qaybta 2aad ee Xeer-dejinta waxaanay dib u eegaan xeerarka ka soo baxa Golaha Wakiilada intaan Madaxweynaha loo gudbin; wuxuuna gaar u leeyahay dejinta xeerarka ku saabsan Diinta, dhaqanka iyo nabadjelyada.

QODOBKA 58AAD
DOORASHADA XUBNAHA GOLAHA
GUURTIDA IYO MUDDADA XILKA

1. Xubnaha Golaha Guurtida waxa lagu soo dooranayaas doorasho, habka doorashadana waxa nidaaminaya xeer.
2. Muddada xilka Golaha Guurtidu waa 6 {lix sano}, oo ka bilaabmaysa maalinta fadhiga laad qabsoomo.

QODOBKA 59AAD
SHURUUDAHA QOKFA LOO SOO DOORANAYO
XUBINIMADA GOLAHA GUURTIDA

Qofka loo dooranayo xubnimada Golaha Guurtida waa in uu yeesho shuruudaha qofka isu-taagaya xubnimada Golaha Wakulada marka laga reebo da'da iyo heerka aqoonta oo noqonaya sidan hoos ku xusan:

1. Inaan da'disu ka yaraan 45 sano {shan iyo afartan sano}.
2. Inuu yahay qof Diinta aqoon fiican u leh, ama oday dhaqan-yaqaan ah.

QODOBKA 60AAD
TIRADA GOLAHA GUURTIDA

1. Tirada xubnaha Golaha Guurtidu waa 82 {Iabba iyo siddeetan} oo iska dhex dooranaya Guddoomiye, laba Guddoomiye ku-xigeen iyo guddi hoosaadyo inta uu u baahdo. Goluhu wuxuu yeelanayaa guddi joogto ah oo 25 {shan iyo labaatan} xubnood ah.
 2. Xiilli kasta waxa ku soo kordhaya tiro xubno sharaf ah oo kala ah:
- b- Shan xubnood oo Madaxweynuhu ku soo xulo tilmaamo gaar ah oo ay Qaranka u yeeshen; waxayna muddada xubinimadoodu la cimri tahay muddada xilka Golaha.
- t- Qof kasta oo horay Guddoomiye uga noqday Golaha Guurtida ama Golaha Wakiilada.
- j- Qof kasta oo hore Jamhuuriyada Somaliland uga soo qabtay xilka Madaxweyne ama Madaxweyne ku-xigeen.
- x- Xubno sharafku Golaha cod kuma leh; mana geli karaan Guddida Joogtada ah

**QODOOKA 61AAD
AWOODDA IYO WAAJIBMDKA
GOLAHA GUURTIDA**

1. Dejinta xeerarka ku saabsan Diinta, dhaqanka iyo nabadgelyada.
2. Dib-u-eegidda xeerarka Golaha Wakiiladu ansixiyo xeerka maaliyadda mooyaane, waxaanu ku celin karaa Golaha Wakiilada hal mar, muddo 30 (soddon) maalmood gudahood oo ka bilaabanta maalinta loo soo gudbiyo xafiiska Shir-guddoonka Golaha Guurtida, isagoo sababaha aragtidiisa qoraal ahaan ugu gudbinaya.
3. Ka-talo-bixinta dhallilaha maamul ee Xukuumadda iyo ogaysiintooda Golaha Wakiilada.
4. Ka-gacan-siinta Xukuumadda arrimaha Ia xidhiidha Diinta, nabadgelyada, difaaca, dhaqanka, dhaqaalaha iyo bulshada; iyagoo kaashanaya madaxdhaqmeedka beelaha.
- 5- U yeedhidda xubnaha Xukuumadda iyo wax-ka-waydjinta gudashada xilkooda.
- 6- Waxa kaloo Golaha Guurtidu awood u Ieeyahay inuu Golaha WaRijiada u gudbiyo 500 jeedin mashruuc, si Golaha Wakiiladu uga doodo, go'aana uga gaad ho.

**QODOOKA 62AAD
FADHIGA UGU HORREEYA EE
GOLAHA GUURTIDA**

Fadhiga ugu horreeya ee Golaha Guurtidu wuxuu qabsoomaya 30 maalmood gudahood ka dib maalinta Ia soo dhamaystiro xulashadiisa; waxaana fadhiga furaya xubnahana dhaarinaya Guddoomiyaha Maxkamadda Sare; waxana shirkaas guddominaya xubinta ugu da'da weyn inta laga dooranayo Guddoomiye rasmi ah iyo labadiisa Ku-xigeen.

**QODOOKA 63AAD.
XOGHAYAHA GOLAHA
IYO LA-TALIYAYAAL**

Golaha Guurtidu waxa uu yeelanayaa Xoghaye aan xubin ka ahayn Golaha. Waxa kale oo uu yeelan karaa la-taliyayaal uu ka mid yahay La-taliye Sharci. Dhismaha xoghaynta Golaha Guurtida waxay la mid tahay ta Golaha Wakiilada.

**QODOOKA 64AAD
XEER-HOOSAADKA GOLAHA.**

Kal-fadhigiisa ugu horreeya Golaha Guurtida waxa uu ku ansixinayaa xeer hoosaadka Golaha.

**QODOOKA 65AAD
MUSHAHARKA IYO GUNNADA
GOLAHA GUURTIDA.**

Xubnaha Golaha Guurtida waxay yeelanayaan mushahar iyo gunno xeer qeexo.

**QODOOKA 66AAD
DHAWR-SANAANTA XUBINTA
GOLAHA GUURTIDA.**

Dhawrsanaanta xubinta Golaha Guurtidu waxa ay la mid tahay ta xubinta Golaha Wakiilada iyadoo dhawrsanaan-ka-qadista uu leeyahay Golaha Guurtidu.

**QODOBKA 67AAD
SHAQO-KA-TEGIDDA XUBINTA
GOLAHA GUURTIDA**

Xubinta Golaha Guurtidu waxa ay u gudbin kartaa shaqo-ka-tegideeda Golaha Guurtida, isagaana ka oggolaanaya.

**QODOBKA 68AAD
WAAYIDDA XIBINIMADA GOLAHA GUURTIDA.**

1. Xubinta Golaha Guuridu waxa ay waayi kartaa xubinnimadeeda haddii ay burto shuruud ka mid ah shuruudihii Iagu soo xushay, ama ay gudan waydo xilka sida uu u caddaynayo xeer - hoosaadka Golaha Guurtidu.
2. Haddii uu ku dhaco xukun ciqaabeed oo kama dambays ah oo maxkamad horteed kaga caddaaday.
3. Haddii Golahu ka aqbalo istiqaalad.

**QODOBKA 69AAD
KALA DIRIDDA GOLAHA**

Golaha Guurtida waxa loo kala diri karaa habka loo kala dii karo Golaha Wakiilada.

**QODOKA 70AAD
REEBBANAANTA QABASHO XIL KALE
IYO UGA FAA'IIDAYSIGA XILKA DANO GAAR AH**

Xubinta Golaha Guurtida uma bannaana inay qabato xil kale oo Qaran iyadoo xilkii loo xulay haysa; umana bannaana may xilka uga faa'iidaysato dano gaar ahaaneed.

**QODOBKA 71AAD
FADHIYADA IYO KAL-FADHIYADA.**

Fadhiyada Golaha Guurtida waa kuwa furan; waxaana ay noqon karaan kuwa xidhan sida ku cad Dastuurka. Tirada ay fadhiyadu ku furmi karaan, aqlabiyadda ay go'aamadiisu ku ansaxayaan iyo cidda isugu yeedhi karta kalfadhiyada aan caadi ahayn, waxay Ia mid yihiin habka Golaha Wakiillada.

**QODOBKA 72AAD
BANNAANSHABA JAGADA GOLAHA
GUURTIDA IYO SOO-BUUXINTEEDA**

1. Jagada Golaha Guurtidu waxay ku bannaanaysaa haddii ay timaado xaaland ka mid ah xaalandaha ku tilmaaman qodobka 50aad.
2. Haddii ay bannaanto xubin ka mid ah Golaha Guurtidu ka hor Iixda bilood ee ugu dambeeyaa muddada xilka Golaha Guurtida, waxa loo soo buuxinaya si waafaqsan xeerka, iyadoo xubinta cusubi ay dhamays-tirayso muddada xiIka Golaha.

**QODOBKA 73AAD
XARUNTA GOLAHA GUURTIDA**

Xarunta Golaha Guurtidu waa Magaalo-madaxda.

QODOBKA 74AAD
SOO BANDHIGIDDA MASHRUUC-SHARCI.

Mashruuc-sharci waxa Golaha Wakiilada u soo bandhigi kara

1. Golaha Xukuumadda
2. Tirada Xubnaha Golaha Wakiilada ee xeer-hoosaadka Goluhu qeexo.
3. Muwaadiniin Ieh xaqa cod-bixinta, tiradooduna aanay ka yarayn 5000 {shan kun } oo qof, waxaan ka reebban mashruuc qaunuun-maaliyadeed.

QODOBKA 75AAD
SOO-SAARIDDA, FAAFINTA IYO
DHAQAN-GELINTA XEERKA

Xeerarka waxa uu Madaxweynuhu ku soo saarayaa, kuna baahinayaa faafinta rasmiga ah saddex toddobaad {21 maalmood} gudahood, laga bilaabo maalinta Golayaashu u soo gudbiyaan; waxayna ku dhaqan-gelayaan 30 {soddon} maalmood gudahood oo laga bilaabo maalinta Ia baahiyay, iyada oo ay bannaan tahay in muddada dhaqan-galka Iagu gaabiyo ama Iagu dheereeyo xeerka gudihiisa.

QODOBKA 76AAD

Mashruuc-sharci waxa uu xeer ku noqonayaa ansixinta Golaha Wakiilada waxaanu dhaqan gelayaan ka dib marka uu Madaxweynuhu saxeexo sida ku cad Qod. 38aad.

QODOBKA 77AAD
HABKA LOO RAACO XEER-DEJINTA

1. Labada Gole ee Baarlamaanka mid waliba mashruuc-sharci uu ansixiyo wuxuu u gudbinayaa Golaha kale; si uu ula eego taloojinna uga siiyo.
2. Labada Gole mid waliba Golaha kale hal mar oo keliya ayuu mashruuc-sharci ku soo celin karaa.
3. Xeer-hoosaadka Baarlamaanka ayaa qeexaya hab-socodka mashruuc-sharci, waana in uu muujiyya mudnaanta gaar ah ee ay Ieeyihiin mashruuc-sharchiyada la xidhiidha maaliyadda iyo kuwa Xukuumaddu u aragto degdeg, kuwaas oo mudan in iyaga la hormariyo.
4. Mashruuc-sharci ay labada Gole ee Baarlamaanku ku wada ansixiyeen ama ku wada oggolaadeen aqlabiyadda 2/3 (Saddex meelood, laba) ama ka badan Madaxweynuhu dib uma celin karo ee wuu saxeexayaa. Haddii uu arko in mashruuc-sharcigaasi ka hor imanayo qodob ama qodobo Dastuurka, waa inuu sidaa ku wargeliyaa Shir-guddoonka iyo Xeer-ilaaliyaha Guud oo u gudbin doona Maxkamadda Dastuuriga ah.
5. Madaxweynuhu mashruuc-sharci looga soo gudbiyey Baarlamaanka, wuxuu ku saxeexayaa saddex toddobaad {21 maalmood} gudahood, laga bilaabo taariikhda mashruucaas-sharci soo gaadhay xafiiska Madaxweynaha haddii aanu Baarlamaanka dib ugu soo celin.
6. Haddii Madaxweynuhu mashruuc-sharci uu u soo gudbiyay Baarlamaanku ku saxeexi waayo muddadaas la gooyey ama ku soo celin waayo Baarlamaanka, mashruuc~sharcigaasi si toos ah ayuu u noqonayaa xeer; waxaanu sooraa Golaha soo gudbiyay

QODOBKA 78AAD

1. Mashruuc-sharci kasta aan ahayn kuwa maaliyadda oo Golaha Wakiiladu aqlabiyad ku oggolaado waa in loo gudbiyo Golaha Guurtida, kaas oo markaas:
 - b. Oggolaan kara ama wax-ka-beddel soo jeedin kara.
 - t. Haddi Golaha Guurtida oggolaan waayo, ama wax-ka-beddelid uu soo jeediay Golaha Wakiiladu ku qanci waayo, Golaha Wakiiladu wuxuu xaq u leeyahay in mashruuca-sharciga kalfadhiga xiga ee Golaha Guurtida dib ugu celiyo. Haddii uu Golaha Guurtida

oggolaan waayo ama ku soo jawaabi waayo bil gudaheed, mashruuc-sharcigu wuu ansaxaya, sidaas ayaana Madaxweynaha loogu gudbinaya.

2. Mashruuc-sharci kasta uu Golaha Guurtidu aqlabiyad ku ogolaaday waa in loo gudbiyo Golaha Wakiilada, kaas oo markaa:
 - b- Oggolaan kara ama wax ka beddelid soo jeedin kara
 - t- Haddii Golaha Wakiiladu mashruuc-sharcigaas oggolaan waayo, ku noqosho malaha.
3. Mashruuc-sharci labada Gole soo oggolaadeen ee loo gubdiyey Madaxweynaha, haddi uu sidaa ku oggolaado, wuxuu Madaxweynuhu ku soo saarayaa faafinta rasmiga ah (21) maalmood gudahood. Haddii uu Madaxweynuhu oggolaan waayo ama wax-kabeddelid soo jeediyo waa inuu kow iyo laabatan (21) maalmood gudahood ku soo war-geliyaa Shirguddoonka Golaha Wakiilada sababta uu u cuskaday.
4. Haddii uu sababaha uu Madaxweynuhu cuskaday Goluhu ku qanci waayo, oo mashruuc-sharcigaas uu mar-Iabaad ku ansixyo aqlabiyad 2/3 (saddex-meelood, laba) xubnaha Golaha, mashruuc-sharcigaas waa inuu Madaxweynuhu aqbala. Haddiise aqlabiyadu intaas ka yaraato, mashruuc sharcigaasi wuu buraya.
5. Mashruuc-sharci uu Golaha Wakiiladu oggolaado aan ahayn mashruuc-sharci maaliyadeed oo Golaha Guurtidu nuxurkiisa (Principle) ku diido aqlabiyad (2/3) (saddex meelood laba) xubnaha Golaha, haddii Golaha Wakiiladu ku qanci waayo diidmadaasi oo mar labaad ku ansixyo aqlabiyad ka yar 2/3 (saddex-meelood laba) xubnaha Golaha, mashruuc-sharcigaasi wuu buraya.

QODOBKA 79AAD EEDAYNTA XUBNAHA GOLAYAASHA

1. Xubnaha Golayaasha (Wakiilada iyo Guurtida) waxa lagu oogi karaa dacwad dembi ah haddii la qabto xubinta ama xubnaha iyagoo faraha kula jira faldembiyed (Flagrante Delicto), dambigaas oo ciqaabtiisu ugu yari tahay saddex (3) sanno oo xadhig ah.
Hase yeesh, lama hor geyn karo maxkamad, loomana gudbin karo xabsi, ilaa xubinta ama xubnaha laga xayuubiyo dhawr-sanaanta xilka ay ummadda u hayaan.
2. Dacwadda dembiga ah ee Iagu eedaynayo xubnaha Golayaasha waxa soo oogaya Xeer-ilaaliyaha Guud, ka bacdi marka Golaha xubintu ama xubnuhu ka tirsanaayeen ay maamuuska kaga xayuubiyaan saddex meelood laba ahaan tirada guud ee Golaha.
Waxa dacwaddaas dhegeysigeeda awood u Ieh Maxkamadda Sare ee Cadaaladda (High Court of Justice)

QAYBTA SADDEXAAD WAAXDA FULINTA

XUBINTA IAAD

QODOBKA 80AAD MADAXWEYNAHA IYO MADAXWEYNE-KU-XIGEENKA

Qaranku wuxuu yeelanaya Waaxda Fulinta, oo ka gaar ah kana madaxbannaan waaxyaha Xeer-dejinta iyo Garsoorka.

QODOBKA 81AAD WAAXDA FULINTA

Waaxda Fulinta (oo mararka qaarkood Ioogu yeedho (Xukuumadda)) waxa madax ka ah Madaxweynaha, waxaanay Ra Rooban tahay:

- * Madaxweyne;
- * Madaxweyne-ku-xigee;
- * Iyo Golaha Wasiirada ee Madaxweynuhu magacaabo.

QODOBKA 82AAD

SHURUUDAH A QOFKA LOO DOORANAYO MADAXWEYNE AMA MADAXAWEYNE-KU-XIGEEN

Waxa Madaxweyne ama Ku-xigeen Madaxweyne loo dooran karaa qofka buuxiya shuruudaha soo socda:

1. Waa in uu yahay muwaadin u dhashay Somaliland oo muwaadino dawlad kale haysan, balse wuu noqon karaa qoxooti dal kale deggan.
2. Waa inuu Muslim yahay, kuna dhaqmaa Diinta Islaamka.
3. Waa inaanay da'diisu ka yaraan afartan sano {40}.
4. Waa inuu jidh ahaan iyo maskax ahaanba gudan karaa xilkiisa
5. Waa inuu aqoon iyo waayo-aragnimo u leeyahay arrimaha maamulka {mid dawliya iyo mid kaleba}.
6. Waa inuusan dembi maxkamadi ku xukuntay ka gelin Qaranka Somaliland.
7. Waa inuu xaaskiisu yahay Muslim.
8. Waa inuu xog-ogaal u ahaado xaqaa'iqa dalka ka jira, isaga oo joogay ugu yaraan laba sano ka hor taariikhda doorashada loo cayimay inay qabsoonto.
9. Waa inuu hantidiisa diiwaan geliyo.

QODOOKA 83AAD HABKA DOORASHADA

1. Waxa Madaxweynaha iyo Ku-xigeenka Madaxweynaha Iagu dooranaya qaabka doorashada guud oo toos ah; isla markaana qarsoodi ah iyaga oo isku lammaan.
2. Doorashada Madaxweynaha iyo Ku-xigeenka Madaxweynaha, oo isku mar loo codaynayo, kuna salaysan habka u codaynta liistada, waxa Ia qaban doonaa bil ka hor dhammaadka muddada xilka Madaxweynaha hore.
3. Madaxweynaha iyo Madaxweyne-ku-xigeenka hore ayaa sii wadi doona hawlahay u xil-saarnaayeen ilaa Madaxweynaha iyo Ku-xigeenka cusubi kala wareegaan xilka muddo bil ah gudaheed.
4. Waxa loo aqoonsanayaa inay doorashada Madaxweyaha iyo Ku-xigeenka Madaxweynahu ku guulaysteen labada qof ee magacyadoodu ku sheegan yihiin liistada hesha codadka ugu tirada badan.
5. Haddii ay suurtoobi weydo duruufo Ia xidhiidha nabadjelyada darteed in la qabto doorashada Madaxweynaha iyo Ku-xigeenka Madaxweynaha marka muddadii xilkoodu dhammaato, waxa Golaha Guurtida waajib ku ah in ay muddada xilka u kordhiyaan Madaxweynaha iyo Ku-xigeenka Madaxweynaha, iyaga oo tixgelinaya muddada dhibaatada lagaga gudbi karo; doorashaduna ku qabsoomi karto

QODOOKA 84AAD DHAARTA MADAXWEYNNAHA IYO KU-XIGEENKA MADAXWEYNNAHA

Madaxweynaha iyo Ku-xigeenka Madaxweynaha waxa Iagu dhaarinaya ka hor intaanay xilka la wareegin xaflad ay goob joog ka yihiin Madaxda Golayaasha Wakiilada iyo Guurtida iyo Gudoomiyaha Maxkamadda Sare.

QODOOKA 85AAD WAXYAABAHA KA REEBBAN MADAXWEYNNAHA IYO MADAXWEYNE-KU-XIGEENKA

1. Uma bannaana Madaxweynaha iyo Madaxweyne-ku-xigeenka iyo Marwooyinkoodu inay galaan ganaci muddada ay xilka hayaan.
2. Madaxweynuhu dalka kama maqnaan karo (45) cisho oo isku xiga muddo ka badan sabab caafimaad mooyaane.

- Hadiyadaha la siiyo Madaxweynaha iyo Ku-xigeenka Madaxweynaha iyo Marwooyinkooda iyo Madaxda sare ee Qaranka ee Ieh muuqaal Qaran iyada oo lagu maamuusayo xilka ay hayaan waxa weeye hanti Qaran.

**QODOBKA 86AAD
BANNAANAANTA JAGADA IYO HABKA UU
MADAXWEYNUHU AMA MADAXWEYNE KU-XIGEENKU
XILKA UGA TEGI KARO**

Waxay jagada Madaxweynaha ama ku-xigeenka Madaxweynuhu iyo Kuxigeenka Madaxweynuhu bannaanaan kartaa haddii ay dhacdo xaaland ka mid ah xaalandaha hoos ku sheegan:

- Xukun dembi ah oo xilka lagaga xayuubiyay.
- Hawsha oo uu caafimaad darro darteed u gudan kari waayo.
- Geeri ku timaadda.
- Is-casilaadda Madaxweynaha ama Madaxweyne Ku-xigeenku wuxuu qoraal xilka-tegis ah u gudbinayaay Guddoomiyaha Golaha Wakiilada iyo Guddoomiyaha Golaha Guurtida, waxayna labada Gole fadhi wada jir ah ku oggolaan karaan ama ku diidi karaan aqlabiyyad tirada guud ee labada Gole.
- Haddii ay Golayaashu diidaan codsiga xil-ka-tegidda ee ku sheegan faqradda 4aad ee qodobkan waxaa Madaxweynaha ama Madaxweyne-ku-xigeenku xaq u yeelanaya in uu mar labaad keensado codsi dalab xil-ka-tegis ah muddo aan ka badnayn saddex bilood marki uu codsiga hore qortay; waxaana waajib ku ah labada GoIe in ay xil-ka-tegidda ka oggolaadaan.

**QODOBKA 87AAD
MUSHAHARKA & GUNNADA**

Mushaharka, gunnada iyo hantida Dawadda ee ay Madaxweynaha iyo Kuxigeenka Madaxweynuhu ku dhaqmaan waxa qeexaya xeer.

**QODOBKA 88AAD
MUDDADA XILKA**

- Muddada xiIka ee Madaxweynaha iyo Ku-xigeenka Madaxweynaha waa 5 sano oo ka bilaabanta maalinta xilka bo dhaariyo.
- Qofna jagada Madaxweynaha ma qaban karo laba jeer wax ka badan.

**QODOBKA 89AAD
HABKA BUUXINTA JAGADA BANNAANATAY**

- Haddii mid ka mid ah xaalandaha ku sheegan qodobka 86aad ay ku timaado Madaxweynaha saddexda sano ee u horreeya shanta sano ee xilka loo doortay, waxa Madaxweyne Ku-xigeenku noqonayaay Madaxweyne ku meel gaadh ah, waxaana Madaxweyne lagu dooranayaay muddo lix bilood gudhood ah.
- Haddii Madaxweynaha xaalad ka mid ah xaalandaha ku sheegan qodobka 86aad ay ku timaado labada sano ee u dambeeyaa muddada shanta sano ah ee bo doortay, waxa xilka Madaxweynenimo la wareegaya Madaxweyne Kuxigeenka muddada labada sano ah ee hadhay, wuxuuna Madaxweyne Kuxigeen u sharixi doonaa xubin ka tirsan Golaha Wakuada, waxaana ansixinaya labada Gole oo wada jira. Haddii Golayaashu diidaan mudanaha Madaxweynuhu u magacaabay Madaxweyne Ku-xigeenka, waxa waajib ku ah inuu mudane kale ku magacaabo muddo aan ka badanayn soddon maalmood gudhood oo ka bilaabmaysa taariikhda dudmada Golayaasha.
Waxa xubantu muddada dastuuriga ah hayn doontaa xilka bo magacaabay; isla markaana waayi doontaa xubinnimadii Golaha Wakiilada.
- Sidoo kale, marka xaalad ka mid ah xaalandaha ku sheegan qodobka 86aad ay ku timaado Madaxweyne-ku-xigeenka wuxuu Madaxweynuhu u magacaabayaa Madaxweyne-ku-xigeen xubin ka tirsan Golaha Wakiilada, oo 2da Gole oggolaadeen. Wuxuu mudanaha xilka loo

magacaabay hayn doonaa jagadaas muddada xilka ka hadhay, iyada oo ay bannaanaan doonto jagadi Wakiilnimadu. Haddii ay Golayaashu diidaan mudanaha Madaxweynuhu u magacaabay Madaxweyne-ku-xigeenka, wawa waajib ku ah inuu mudane kale ku magacaabo muddo aan ka badnayn 30 maalmood gudahood oo ka bilaabmaysa taariikhda diidmada Golayaasha.

4. Haddii ay Madaxweynaha iyo Ku-xigeenka Madaxweynaha isku hal mar ku timaado xaalad ka mid ah xaaladaha ku sheegan qodobka 86aad, wawa xilka Madaxweynaha si ku meel gaadh ah u haynaya Guddoomiyaha Golaha Guurtida. Wawa doorashada Madaxweynaha iyo Ku-xigeenka Madaxweynaha lagu qaban doonaa muddo Iixdan (60) maalmood gudahood ah, oo ka bilaabmaysa maalinta ay xaaladdu sugnaatay.

XUBINTA 2AAD

QODOBKA 90AAD AWOODAHA MADAXWEYNAHA

Madaxweynuhu waa madaxa Qaranka iyo Dawladda; waana astaanta midnimada muwaadiniinta ka tirsan Jamhuuriyadda Somaliland. Wawa uu u xilsaaran yahay daryeelka haybadda dalka; ilaalinta nabadjelyada; horumarinta bulshada iyo hab-sami-u-socodsinta maamulka Dawadda. Si uu u gudan karo xilalka kor ku sheegan, wuxuu Madaxweynuhu leeyahay awoodaha soo socda:

1. Hoggaaminta siyaasadda guud ee Xukuumadda.
2. Magacaabidda iyo xil-ka-wareejinta xubnaha Golaha Wasurada.
3. Magacaabidda iyo xil-ka-wareejinta madaxda sare ee Dawadda marka uu la tashado Wasiirka ku shaqada leh; isla markaana tixgeliyo Dastuurka iyo xeerarka u gaarka ah. Wawa madaxda sare ee dawladda loola jeedaa:
 - b. Hanti-dhowraha Guud;
 - t. Guddoomiyaha Baanka-dhexe;
 - j. Guddoomiyaha iyo Guiddida Hay'adda Shaqaalahu Dawadda;
 - x. Xisaabiyyaha Guud;
 - kh. Agaasimayaasha Guud ee Wasaaradaha iyo hay'adaha;
 - d. Taliyayaasha ciidamada iyo Ku-xigeenadooda;
 - r. Danjirayaasha;
 - s. Xeer-ilaaliyyaha Guud; iyo
 - dh. Saraakiisha sare ee kale oo xeer ka soo baxay Golayaasha Xeer-dejintu awood u siinayo magacaabistooda iyo xil-ka-wareejintooda.
4. Hoggaaminta ciidamada Qaranka maadaama uu yahay Tahyaha Guud (Commander-in-Chief).
5. Oggolaanshaha cafiska iyo saamaxaadda, oo ay ka reebban yihiin qisaasta iyo xuduudda Shareecadda Islaamka; iyo bixinta magangelyada siyaasadeed, ka dib marka uu la tashado hay'adaha ku shaqada leh.
6. Saxeexa heshiisyada caalamiga ah.
7. Ka qayb-gelidda shirarka caalamiga ah, isagoo ka wakiil ah Jamhuuriyadda Somaliland.
8. Qaabilaadda diblomaasiyiinta shisheeyaha iyo ka qabashada waraaqaha aqoonsigooda (Credentials).
9. Magacaabidda danjirayaasha u jooga Jamhuuriyadda Somaliland dalalka shisheeyaha ah, ururada caalamiga ah iyo kuwa gobollada adduuunka.
10. Bixinta astaamaha xurmo iyo sharaf ee ay ka mid yihiin billadaha.
11. Hoggaaminta xaaladaha dagaalka, isla markaana ku dhawaaqidda xaalad degdeg ah.
12. Fulinta xeerarka aan Waaxda Garsoorka awoodaheeda hoos iman;
13. Awoodaha kale ee ku xusan Dastuurka iyo xeerarka kale.
14. Madaxwaynuhu wuxuu xilkiisa u fulin doonaa si waafaqsan Dastuurka iyo xeerarka kale ee dalka u degsan.

QODOBKA 91AAD AWOODAHA MADAXWEYNE-KU-XIGEENKA

Madaxweyne-ku-xigeenka Qaranku wuxuu awood u leeyahay;

1. Ku-simidda xilka Madaxweynaha marka uu Madaxweynuhu maqan yahay ama uu buko.
2. Gudashada hawlaa uu Madaxweynuhu u igmado.
3. Qabashada xilka Madaxweynenimo marka ay jagadu bannaanaato sababahan dartood:-
 - b. Is-casilaadda (xil-ka-tegid) Madaxweynaha.
 - t. Xukun dembi ah oo xilka lagaga xayuubiye;
 - j. Marka uu hawshii loo doortay u gudan kari waayo caafimaad-darro darteed; iyo
 - x. Geeri ku timaada.

**QODOBKA 92AAD
AWOODAHA KALE EE MADAXWEYNAHA EE
LA XIDHIIDHA XEERARKA DEGDEGGA AH**

1. Marka ay soo if-baxaan xaalado gaar ah oo halis gelin kara nabadjelyada dalka; khatar ku noqon kara xeerka iyo nidaamka; khalkhal ku abuuri kara xasilloonida guud, ama kalsoonida dhaqaale, waxa Madaxweynuhu soo saarayaan xeerar deg-deg ah oo lagu joojinayo khataraha kor ku sheegan. Haddii Golayaasha Baarlamaanku fadhiyaan marka uu xeerarka degdegga ah soo saarayo Madaxweynuhu, waa inuu ugu gudbiyo muddo toddoba (7) maalmood gudahood ah si ay go'aanno uga gaadhaan. Haddii aanay Golayaashu fadhiyin waxa Gudoomiyayaashoodu isugu yeedhayaan Golayaasha fadhi aan caadi ahayn muddo 14 maalmood gudahood ah. Xukuumaduna way ku sii dhaqmi kartaa xeerarkaas inta ay Golayaashu go'aan ka gaadhayaan.
2. Xeerarka degdegga ah waxay yeelan doonaan awoodda xeerarka ka soo baxa Golayaasha (Wakiilada iyo Guurtida), waxayna dhaqan gelayaan marka uu saxeexo Madaxweynuhu.
3. Waxa xeerarka degdegga ah dib-u-eegid ay 2da Gole ku samayn doonaan saddexdii (3) biloodba hal mar iyaga oo go'aankoodu ku salaysnaan doono codka hal dheeriga ah (Simple Majority)

**QODOBKA 93AAD
HAB-MAAMUUSKA MADAXDA SARE EE QARANKA**

1. Madaxweynaha iyo Ku-xigeenka Madaxweynaha aaya leh hab maamuuska koowaad ee Qaranka.
2. Guddoomiyaha Golaha Guurtida aaya leh hab-maamuuska ku-xiga.
3. Guddoomiyaha Golaha Wakiilada aaya leh hab-maamuuska 3aad ee Qaranka.

XUBINTA 3AAD

**QODOBKA 94AAD
GOLAH WASIIRADA**

1. Golaha Wasiiradu waxay Madaxweynaha ka kaalmaynayaan fulinta xilkiisa iyaga oo wadajir u go'aamin doona siyaasadda guud, qorshayaasha iyo barnaamijada Dawladda.
2. Waxaa Wasiirada iyo Wasiir-ku-xigeennada magacaabi kara ama xilka ka qaadi kara Madaxweynaha; waxaana magacaabiddooda la hor dhigaya Golaha Wakiilada oo ay fadhibaas joogaan kala badh iyo hal xubnood (Quorum), oo ku oggolaan kara ama ku diidi kara cod hal dheeri ah (Simple Majority) oo gacan taag ah.
3. Soddon (30) maalmood gudohood marka Golaha Wakiiladu ansixiyaan magacaabidda Wasiir ama Wasiir-ku-xigeen, waxa xilka u dhaarinaya Guddoomiyaha Maxkamadda Sare iyada oo uu goob joog yahay Madaxweynaha ama Madaxweyne-ku-xigeenka, haddii uu Madaxweynuhu ka maqan yahay dalka ama uu buko.
4. Wasiirada ama Wasiir-ku-xigeenadu ma qaban karaan shaqo kale oo ka baxsan tan Qaranka.
5. Qofna looma magacaabi karo Wasiir ama Wasiir-ku-xigeen haddii aanu buuxin shuruudaha ku xidhan qofka bo dooranayo Golaha Wakiilada.
6. Wasiirkha waxa bo xil-saari karaa hal Wasaarad ama in ka badan.

7. Madaxweynaha ayaa guddoomin doona fadhiyada Golaha Wasiirada ee caadiga ah iyo kuwa aan caadiga ahayn.
8. Lama xidhi karo Wasiir ama Wasiir-ku-xigeen haddii aan lagu qaban isagoo faraha kula jira dembi ciqaabtiisu gaadhayso saddex sano ama aanu Madaxweynuhu ka qaadin dhawrsannaanta, isaga oo ku qancay soo jeedin uu u soo bandhigay Xeerilaaliyaha Guud.

**QODOBKA 95AAD
SII-HAYNTA XILKA**

1. Wasiirka ama Wasiir-ku-xigeenka istiqaalad dhiiba ama xilka laga fadhiisiyo isaga ayaa xilka sii haynaya inta beddelkiisu ka tirsanayo.
2. Waxaa ka reebban muddada uu Wasiirku ama Wasiir-ku-xigeenku sugayo in xilka laga tiriyo inuu cid xil u magacaabo ama heshiis magaca Wasaaradda cid kale kula gab.

**QODOBKA 96AAD
EEDEYNTA IYO MMMUUS-KA-XAYUUBINTA
MADAXWEYNHA, KU-XIGEENKA MADAXWEYNHA
IYO WASIIRADA**

1. Haddii Madaxweynaha iyo ku-xigeenka Mad axweynaha lagu 800 oogo dembiyada kala ah:
 - b. Khiyamo Qaran (High Treason) ama
 - t. Ku xad gudub Dastuurka.
 Wuxuu ku soo oogi kara Madaxweynaha ama/yo Madaxweyne-ku-xigeenka dembiyada ku xusan faqradan ugu yaraan saddex meelood meel xubnaha ka tirsan Golaha Wakiilada; iyaga oo eedaynta u gudbin doona Guddoomiyaha Golaha Wakiilada, Golaha Wakiiladuna waxuu ku ansixin karaa cod tirada xubnaha Wakiilada badhkood iyo mid ah {Absolute Majority}.
2. Golaha Wakiiladu wuxuu igmanayaa guddi aan ka badnayn tobant (10) xubnood oo eedeynta M/weynaha ama Madaxweyne-ku-xigeenka kaga oogta Golaha Guurtida hortisa, wuxuuna Golaha Wakiiladu adeegsan karaa qareemo madaxbannaan oo arrintaas eedaynta ka kaalmeeya.
3. Wuxuu ku soo oogi kara Madaxweynaha ama/yo Madaxweyne-ku-xigeenka dembiyada ku xusan faqradan ugu yaraan saddex meelood meel xubnaha ka tirsan Golaha Wakiilada; iyaga oo eedaynta u gudbin doona Guddoomiyaha Golaha Wakiilada, Golaha Wakiiladuna waxuu ku ansixin karaa cod tirada xubnaha Wakiilada badhkood iyo mid ah {Absolute Majority}.
4. Haddii Xeer-ilaaliyaha guud ku soo eedeyyo Wasiir ama Wasiir-ku-xigeen dembi ka mid ah dambiyada ku sheegan faqradda koowaad ee qodobkan, waxaa warbixinta eedda uu Xeer-ilaaliyaha Guud u gudbin doonaa Madaxweynaha. Haddii Madaxweynuhu ku qanco warbixinta waxaa uu Wasiirku ama Wasiir-ku-xigeenka ka xayuubin doonaa dhawrsannaanta. Haddii uu ku qanci waayo Madaxweynuhu warbixinta Xeer-ilaaliyaha Guud, wuxuu amrayaa inuu Xeer-ilaaliyaha Guud la noqdo dacwadiisa.
5. Wuxuu ku soo eedda Ia xidhiidha Wasiirada qaadi doonta Maxkamadda Sare ee Cadaaladda (High Court of Justice), Maxkamadaas oo ka kooban Guddoomiyaha Maxkamadda Sare; afar garsoore oo ka tirsan Maxkamadda Sare iyo afar xubnood oo ka tirsan Golayaasha Baarlamaanka oo Gole waliba soo doorto laba xubnood.

**QAYBTA AFRAAD
XUBINTA IAAD
WAAXDA GARSOORKA**

QODOBKA 97AAD

1. Wuxuu ku soo eedda Ia xidhiidha Wasiirada qaadi doonta Maxkamadda Sare ee Cadaaladda (High Court of Justice), Maxkamadaas oo ka kooban Guddoomiyaha Maxkamadda Sare; afar garsoore oo ka tirsan Maxkamadda Sare iyo afar xubnood oo ka tirsan Golayaasha Baarlamaanka oo Gole waliba soo doorto laba xubnood.

2. Waaxda Garsoorku waxay hawlaheeda u fulinaysaa si Dastuurka waafaqsan, iyada oo ka madax-bannaan waaxyaha kale ee Qaranka.

QODOBKA 98AAD

1. Garsoorku waxa uu awood gaar ah u leeyahay:
 - b. In uu fasiro micnaha xeerarka ka soo baxa Golayaasha dastuuriga ah iyo xeerarka degdegga ah iyada oo la raacayo Dastuurka.
 - t. Inuu ka garsooro khilaafka ka dhex abuurma laamaha Dawladda oo dhinac ah iyo xubno ka tirsan dadweynaha oo dhinac ah ama dadweynaha dhexdooda.
 - j. Inuu ka taliyo muran kasta oo Ia xidhiidha waafaqsanaanta Dastuurka.
2. Ma bannaana in garsooruuhu qabto shaqo kale inta uu hayo xilka Garsoorka.
3. Daryeelka ku habboon garsoorayaasha xeer baa nidaaminaya

QODOBKA 99AAD DHISMAHA GARSOORKA

1. Hay'adaha Garsoorku waxay ka kooban yihiin maxkamadaha iyo Xeer-ilaalinta.
2. Garsoorayaasha maxkamadaha iyo Xeer-ilaaliyaashoodu waxay u madaxbannaan yihiin hawshooda garsoor iyaga oo raacaya xeerka oo keliya.

QODOBKA 100AAD MAXKAMADAH

Maxamadaha Jamhuuriyadda Somaliland waxay ka kooban yihiin:

1. Maxamadda Sare;
2. Maxamadaha Racfaanka ee Gobolladda;
3. Maxamadaha Gobolada
4. Maxamadaha Degmooyinka; iyo
5. Maxamadaha Cudamada Qaranka.

QODOBKA 101AAD MAXKAMADDA SARE

Maxamadda Sare waa hay'adda ugu sarraya Garsoorka; isla markaana waxay tahay Maxamadda Dastuurka. Tirada garsoorayaashu waa inaanay ka yaraan Guddoomiyaha iyo afar garsoore; waxaana nidaaminaya xeer gaar ah.

QODOBKA 102AAD MAXKAMADAH HOOSE

Magacaabidda garsoorayaasha iyo habka shaqada maxkamadaha hoose (maxkamadaha racfaanka ee gobollada, maxkamadaha gobollada iyo degmooyinka), waxaa nidaaminaya xeer gaar ah.

QODOBKA 103AAD XEER-ILAALINTA

Xeer-ilaalinta Guud ee Qaranku waxay ka kooban tahay Xeer-ilaaliyaha Guud iyo ku-xigeennadiisa.

QODOBKA 104AAD MAXKAMADAH CIIDAMADA IYO XEER-ILAALINTOODA

1. Maxamadaha ciidamadu waxay gaar u yihiin dhegaysiga dembiyada ciqaabta ee lagu oogo xubnaha ciidamada Qaranka xaaladaha nabadda iyo dagaalka.
2. Maxamadaha ciidamada iyo Xeer-ilaalintooda waxa nidaaminaya xeer gaar ah.

QODOBKA 105AAD
MAGACAABIDDA GUDOONIYAH MAXKAMADDA
SARE & GARSOORAYAASHA MAXKAMADDA SARE

1. Madaxweynuhu isaga oo la tashanaya Guddida Cadaaladda, waxa uu magacaabayaa Guddoomiyaha Maxamadda Sare iyo garsoorayaasha Maxamadda Sare, iyada oo Ia tixgelinayo:- heerka waxbarasho, waayoaragnimo xirfadeed iyo suubanaan akhlaaqdeed. Magacaabidda Guddomiyaha Maxamadda Sare waxa ansixinaya Golayaasha (Wakiilada iyo Guurtida) oo fadhi wada jir ah yeesha muddo aan ka badnayn saddex {3} bilood marka laga bilaabo taariikhda magacawga.
Waxa Ku-xigeenka Guddomiyaha noqon doonaa garsooraha dhinaca darajada ugu sarreya garsoorayaasha ka tirsan Maxamadda Sare (Seniority).
2. Ma bannaana in loo magacaabo xilka Guddomiyaha Maxamadda Sare qof aan buuxin shuruudaha hoos ku sheegan:
 - b. Waa inuu yahay muwaadin ka tirsan Jamhuuriyadda Somaliland.
 - t. Waa inuu haystaa shahaado jaamicadeed oo barasho sharciga ah oo la aqoonsanyahay.
 - j. Waa inuu leeyahay waayo-aragnimo xirfadeed oo aan ka yarayn isugeyn tobansano; kuna soo shaqeyey garsoore ama/yo xeer-ilaaliye ama/yo qareen ama/yo macallin jaamicad ka bara sharciga.
 - x. Waa inuu siyaasadda ka madax bannaan yahay.
3. Madaxweynuhu xilka wuu ka qaadi karaa Guddomiyaha Maxamadda Sare, isaga oo u baahan oggolaanshaha Golaha Wakiilada & Golaha Guurtida.

QODOBKA 106AAD
XIDHIIDHKA HAY'ADAHA GARSOORKA IYO
WASAARADDA CADAALADDA

1. Wasaaradda Cadaaladdu waxay u xil-saaran tahay fulinta go'aanada maamul ee ka soo baxa Guddida Cadaaladda.
2. Wada-shaqaynta Wasaaradda Cadaaladda iyo Hay'adaha Garsoorka waxa qeexaya xeer.

QAYBTA 5AAD
QODOBO KALA DUWAN

XUBINTA IAAD

QODOBKA 107AAD
GUDDIDA CADAALADDA

1. Gudidda Cadaaladdu waa hay'adda hoggaamisa maamulka Garsoorka, waxayna ka kooban tahay:
 - Guddoomiyaha Maxamadda Sare Guddoomiye
 - Labada garsoore ee ku xiga dhinaca darajada Guddomiyaha Maxamadda Sare Xubno
 - Xeer-ilaaliyaha Guud Xubin.
 - Agaasimaha Guud ee Wasaaradda Cadaaladda Xubin
 - Guddomiyaha Hay'adda Shaqaalaha Xubin
 - Laba xubnood oo Golaha Wakiiladu labadi sannadoodba hal mar ka soo doorto dadweynaha kana kala tirsan aqoon yahanada & ganacsatada; iyo Xubin
 - Laba xubnood oo Golaha Guurtidu labadi sannadoodba ka soo doorto dadweynaha hal mar; kana kala tirsan dhaqan-yaqaanada iyo culimada Diinta.
2. Waxa fadhiga Guddidu ku ansixi karaa marka ay joogaan toddoba (7) xubnood.
3. Marka Guddoomiyaha Maxamadda Sare gudan kari waayo guddoominta Guddida, sababo caafimaad, fasax ama shaqo ka tegid darteed, waxa si ku-meel-gaadh ah guddoomiyaha Guddida noqon doona garsooraha ka tirsan Maxakamadda Sare ee Guddida xubinta ka ah,

dhinaca darajadana ku xiga Guddoomiyaha. Wuxuu xoghayn u ah Guddida Cadaaladda Kaaliyaha Sare ee Maxamadda Sare.

QODOBKA 108AAD
HAWSHA GUDDIDA CADAALADDA

1. Guddida Cadaaladdu waxay u xil-saaran tahay: shaqo-siinta, xil-ka-qaadista, dallacaadda, hoos-u-dhigidda, bedelaadda iyo anshax-marinta garsoorayaasha maxkamadaha hoose (maxkamadaha racfaanka, gobollada iyo degmooyinka} iyo Ku-xigeenada Xeer-ilaaliyaha Guud. Shaqaalaha kale ee ka shaqeeya Garsoorka waxay hoos imanayaan xeerarka shaqaalaha Dawladda.
2. Lama xidhi karo garsoore ama ku-xigeen Xeer-ilaaliye Guud haddii aanay Guddida Cadaaladdu oggolaanin, hase yeeshi looma baahna oggolaanshaha Guddida haddii garsooraha ama Ku-xigeenka Xeer-ilaaliyaha Guud la qabto isaga oo faraha kula jira dembi ciqaabiisa ugu yari ay tahay (3) saddex sannadood oo xadhig ah.
3. Xeer-ilaaliyaha Guud ayaa Guddida ka hor oogaya eedda ka xayubinta dhawrsanaanta, anshax-marinta garsoorayaasha iyo Ku-xigeenada Xeer-ilaaliyaha Guud.

XUBINTA 2AAD

QODOBKA 109AAD
QAAB-DHISMEEDKA DALKA

1. Dalka Jamhuuriyadda Somaliland waxa uu ka kooban yahay gobollo; gobol kastaana waxa uu u sii qaybsamaa degmooyin.
2. Dhismaha gobollada iyo degmooyinka, xuduudohooda iyo darajoooyinkooda xeer baa tilmaamaya.
3. Wax-ka-beddelka tirada gobollada iyo degmooyinka ama xuduudahooda, iyada oo sababaysan waxa soo jeedinaya Golaha Xukuumadda, waxaana oggolaanaya Golaha Wakiilada iyo Golaha Guurtida.

QODOBKA 110AAD
MAAMULKA GOBOLLADA IYO DEGMOOYINKA.

1. Maamulka gobollada iyo degmooyinku waa qayb ka mid ah Maamulka Xakuumadda Jamhuuriyadda Somaliland.
2. Xidhiidka Xukuumadda-dhexe ee gobollada iyo degmooyinka waxa caddaynaya xeer gaar ah.

QODOBKA 111AAD
GOLAYAASHA GOBOLLADA IYO DEGMOOYINKA.

1. Gobollada iyo degmooyinka dalku waxay yeelanayaan Golayaal sharci-dejineed oo ku kooban xeer hoosaadyo (Bye-laws)aan ka hor imanayn xeerarka dalka u dejisan iyo kuwa fulineed.
2. Tirada gole kasta oo gobol ama degmo shuruudaha laga doonayo xubinta gole gobol/degmo iyo nidaamka doorashada xeer ayaa tilmaamaya.
3. Guddoomlyaha degmadu, isagoo la tashaday wax garadka tuulada, waxa uu soo jeedinaya guddida maamul ee tuullo, waxana ansixinaya Golaha Sharci dejinta ee degmada.
4. Golayaasha gobollada & degmooyinka waa inay noqdaan kuwa awood u leh qorshaynta dhaqaalahooda iyo arrimahooda bulshada.
5. Guddoomlyaha gobolka waxa soo magacaabaya Xukuumadda, waxaana uu uga wakill yahay Xukuumadda-dhexe gobolka iyo degmooyinka hoos yimaada.
6. Guddoomiyaha gobolku waa xidhiidhiyaha Xukuumadda-dhexe iyo degmooyinka gobolka, isagoo hoos imanaya Wasaaradda Arrimaha Gudaha.
7. Muddada xilka golayaasha gobollada iyo degmooyinka waa shan sano (5).
8. b) Gole gobol ama degmo waa la kala diri karraa isagoon muddadiisa dhammaysan.
- t) Xaaladda ay ku iman karto iyo qaabka loo kala dirayo xeer ayaa tilmaamaya.

9. Xoghayaha gobolka ama degmada iyo madaxda waaxyaha ama laamaha Wasaaradaha ayaan xilka sii fulinaya iyagoo raacaya shuruucdoodii hore inta laga soo dooranayo gole cusub.
10. Golayaasha gobollada iyo degmooyinku waxay yeelanayaan xeerhoosaadyadooda oo midaysan waxana gacan ka siinaysa Wasaaradda Arrimaha Gudaha.

**QODOBKA 112AAD
BAAHINTA AWOODDA MAAMULKA**

1. Maamulka adeegayada bulsho sida caafimaadka, waxbarashada ilaa heer dugsi hoose-dhexe, xannaanada xoolaha, nabadjelyada gudaha, biyaha, nalka, isgaadhsiinta iwm, waxa xilkoodu saaran yahay maamulada gobollada iyo degmooyinka hadba heerka ay hanan karaan.
2. Kala-xadaynta awoodda maamul iyo cashuuraha ee Dawladda-dhexe iyo gobollada/degmooyinka, xeerka xidhiidhka Dawladda-dhexe iyo gobollada/degmooyinka ayaa caddeynaya.
3. Kala-xadaynta ku tilmaaman faqradda 1aad ee qodobkan, waa inay noqoto mid suurta-gelisa isku filnaansho gobollada iyo degmooyinku ka gaadhaan dhinacyada adeegyada bulsho.

**XUBINTA 3AAD
HAY'ADAHAA DAWLADDA**

**QODOBKA 113AAD
HAY'ADAHAA DAWLADDA EE GAARKA AH**

Hay'adaha Dawadda ee Qaranku waa:

1. Xeer-ilaalinta Guud
 2. Baanka Dhexe
 3. Hay'adda Shaqaalahaa Dawladda
 4. Hanti-dhawrka Guud.
- Haddli loo baahdo hay'ado kale waa la dhisi karaa si xeerka waafaqsan.

**QODOBKA 114AAD
MAGACAABISTA IYO XIL-KA-QAADISTA
MADAXDA HAY'ADAHAA**

1. Magacaabista Xeer-ilaaliyaha Guud, Guddoomiyaha Baanka-dhexe, Guddoomiyaha & Guiddida Hay'adda Shaqaalahaa Dawladda iyo Hantidhawraha Guud, waxa soo jeedinaya Guddoomiyaha Golaha Xukuumadda; waxaan oggolaanaya Golaha Wakiilada ka hor intaan xilka bo dhaarin.
2. Waxaa xilka ka qaadi kara madaxda qodobkan ku sheegan Madaxweynaha oo keliya.
3. Masuuliyiinta Qaranka ee Dastuurku waajibiyay in la ansixiyo, si ku-meel gaadh ah xilka uma hayn karaan muddo ka badan saddex bilood.

**QODOBKA 115AAD
GUDDIDA CULIMADA
WAAJIBAADKA GUDDIDA**

Guddida Culimadu waa guddi madax-bannaan oo u xilsaaran:

1. Inay si rasmi ah uga bixiyaan caddayn:
 - b. Khilaafka Diiniga ah ee abuurma.
 - t. Wixii la isku qabto inuu Sharceeedda khilaafsan yahay iyo in kale, ama iyaga ula muuqda inuu Sharceeedda khilaafsan yahay.

Guddidu waxay caddayntooda u gudbinayaan xafiiska codsiga caddayntu uga yimid ama Maxamadda Dastuurka wixii iyaga uga muuqda.
2. Inay sameeyaan cilmi-baadhis nooc kasta ha ahaadee iyagoo ka eegaya dhinaca Diinta, gaar ahaan horumarka cilmiga sayniska iyo Diinta. Inay eegaan, hubiyaana, kutubta laga turjumo Shareecadda, gaar ahaan kuwa maxkamaduhu u cuskadaan xukunkooda {ka hor intaan sharci

ahaan bo ansixin}, iyo kuwa gelaya manhajyada waxbarashada ee ku saabsan dhaqan-aqooneedka Diiniga ah.

**QODOBKA 116AAD
TIRADA GUDDIDA IYO MUDDADA XILKA.**

Guddida Culimadu waxay ka kooban yihin kow iyo tobant (11) xubnood; muddada xilkuna waa shan sanno (5); xubintii mutaysatana dib baa loo soo magacaabi karaa.

**QODOBKA 117AAD
SHURUUDAHA XUBNAHA**

Xubnaha Guddida Culimadu waa inay yeeshaan shuruudaha hoos ku qoran:

1. Inuu yahay muwaadin, maskax ahaan iyo jidh ahaanba u gudan kara xilkiisa.
2. Inaanay da'diisu ka yaraan afartan sano {40}.
3. Inuu yahay nin lagu yaqaan ALLAH-KA-CABSI iyo akhlaaq wanaag.
4. Inaanu hore ugu dhicin xukun ciqaabeed oo maxkamad horteed kaga caddaaday shantii sanno ee ugu dambaysay.
5. Inuu leeyahay aqoon heer jaamacadeed ah amaba wax u dhigma oo dhinaca Diinta ah.
6. Markuu xilka Guddida qabto inuu ku sifoobo dhexdhedaadnimo dhinacyada siyaasadda iyo aragtida Diineed.

**QODOBKA 118AAD.
WAXYAABAHA KA REEBBAN XUBNAHA.**

Xubnaha Guddida Culimada waxa ka reebban.

1. Inay ku tilmaanaadaan xisbi siyaasadeed ama urur gaar ah oo Diineed.
2. Inay qabtaan xil kale oo Qaran inta ay xilka Guddida hayaan.

**QODOBKA 119AAD
MAGACAABIDDA XUBNAHA GUDDIDA
CULIMADA.**

- I Xubnaha Guddida Culimada waxa soo magacaabaya guddi laga soo cayimo Golaha Xukuumadda iyo Golaha Guurtida oo is-tiro le'eg; waxaana oggolaanaya Golaha Guurtida.
- 2 Guddida Culimadu iyagaa iska dhex-dooranaya Guddoomiye iyo Guddoomiye ku-xigeen

**QODOBKA 120AAD
BANNAANAANSCHAHA XUBINNIMADA
GUDDIDA CULIMADA**

Xubinnimada Guddida Culimada waxay ku bannaanaan kartaa:

1. Haddii uu istiqaalad dhiibo ama uu geeriyyodo.
2. Haddii ay burto shuruud ka mid ah shuruudihii xubinnimada.
3. Haddii uu xukun ciqaabeed oo kama damays ahi ku dhaco.

**QODOBKA 121AAD.
MUSHARKA IYO GUNNADA.**

Mushaharka iyo gunnada xubnaha Guddida Culimada xeer baa nidaaminaya.

**QODOBKA 122AAD
XEERKA HAY'ADAHA**

Hay'ad kasta oo ka mid ah hay'adaha Dawladda ee gaarka ah waxa ay yeelanaysaa xeer u gaar ah oo qeexaya qaab-dhismeedkeeda, waajibaadkeeda iyo dhawrsanaanta madaxdooda.

XUBINTA 4AAD

QODOBKA 123AAD MABAADI'DA CIIDANKA QARANKA

1. Ciidanka Qaranku wuxuu u xil-saaran yahay ilaalinta iyo difaaca madaxabannaanida dalka; waxa intaa u dheer marka loo baahdo hawlaho xilliga xukunka degdeggaa ah ee waafaqsan Dastuurka.
2. Ciidanka Qaranku waxa uu had iyo jeer u hoggaansamayaa oo tixgelinaya Dastuurka iyo xeerarka dalka.
3. Dhismaha Ciidanka Qaranku wuxuu ka koobnaanayaa dhammaan deegaannada Somaliland.
4. Qofka loo magacaabay Wasiirka Gaashaandhigga waa inuu ahaadaa muwaadin madani ah (Civilian).
5. Qaab-dhismeedka ciidanka Qaranka xeer-baa nidaaminaya

QODOBKA 124AAD CIIDAMADA BOOLIISKA IYO ASLUUBTA

1. Ciidanka Boolisku waxa uu u xilsaaran yahay ilaalinta nabadgelyada iyo dhaqan-gelinta xeerarka; qaab-dhismeedkooda iyo waajibaadkoodana xeer ayaa qeexaya.
2. Ciidanka Asluubtu waxa uu u xilsaaran yahay haynta iyo toosinta akhlaaqda maxaabiista; qaab-dhismeedkooda iyo waajibaadkoodana xeer ayaa nidaaminaya.

QODBKA 125AAD DIYAARINTA XEERKA AFTIDA IYO MAGACAABIDDA GUDDIDA QABAN-QAABINTA AFTIDA

Si ay u suurta gasho qaban-qaabinta Aftidu, waxa waajib ah in la soo saaro Xeerka Aftida iyada oo laga shiidaal-qaadanayo tilmaamaha Dastuurku asteeyey; waxaana la magacaabayaa guddida qaban-qaabinta Aftida si waafaqsan Dastuurka.

QODOBKA 126AAD WAX-KA-BEDDELKA IYO KAABIDDA DASTUURKA

1. Soo jeedinta wax ka beddelka iyo/ama kaabidda Dastuurka waxa leh:
 - b. Madaxweynaha, ka dib marka uu la tashado Golaha Xukuumadda.
 - t. 1/3 (saddex-meelood meel) tirada guud ee Golaha Wakiilada.
 - j. 1/3 (Saddex meelood meel) tirada guud ee Golaha Guurtida.
2. Waxa waajib ah in soo jeedinta wax ka beddelka iyo/ama kaabidda Dastuurku ay sababaysan tahay, saxeexan tahayna.
3. Wax-ka-beddelka iyo/ama kaabidda Dastuurka waxa ay Golaha Wakiilada iyo Golaha Guurtida ka doodayaan laba bilood ka dib marka uu Golaha Wakiiladu aqlabiyadda tiradiisa ku go'aansado in loo baahan yahay wax-ka-beddelka iyo/ama kaabidda.
4. Wax-ka-beddelka qodob ama qodobo ka mid ah Dastuurka iyo/ama kaabiddiisu waxa ay ku ansaxayaan kadib marka uu 2/3 (saddex meelood, laba) tirada guud ee Golaha Wakiilada iyo Golaha Guurtidu uu mid waliba goonidusa isugu raaco.
5. Haddii Golaha Wakiiladu uu aqlabiyadda tiradiisa isugu raaci waayo in loo baahan yahay in wax laga beddelo ama wax lagu kordhiyo ama labadaba; ama haddii labada Gole midkood ku ansixin waayo wax-ka-beddelka jyo/ama kaabidda 2/3 (saddex meelood, laba) tirada guud ee xubniiisa, soo jeedintaas dib looma soo celinayo 12 (laba iyo tobant) bilood oo dambe.

QODOBKA 127AAD XUDUUDDA WAX-KA-BEDDELKA IYO KAABIDDA DASTUURKA

Ma bannaana in soo jeedinta wax-ka-beddelka iyo/ama kaabidda Dastuurku ay xambaarsanaato nuxur ka soo horjeeda:

- b. Mabaadi'da Shareecadda Islaamka.
- t. Midnimada dalka (**Israacsanaanta dhul-ahaaneed**).
- j. Mabaadi'da talo-wadaagga iyo hannaanka xisbiyada badan.
- x. Xuquuqda asaasiga ah iyo xorriyaadka qofka.

QODOBKA 128AAD SALDHIGGA IYO SARRAYNTA DASTUURKA

1. Dastuurka waxa saldhig u ah mabaadi'da Islaamka.
2. Dastuurka ayaa ugu sarreeya xeerarka dalka, xeer kasta oo aan isaga waafaqsanaynina, waxa uu noqonayaa waxba kama-jiraan.

QODOBKA 129AAD DHMRTA DASTUURIGA AH

Guddoomiyaha Maxamadda Sare oo isla markaana ah Guddoomiyaha Maxamadda Dastuuriga ah ayaa dhaarinaya cid kasta oo Dastuurku ku waajibiyey dhaartan Dastuuriga ah, ka hor inta aanu xilkiisa bilaabin; sidoo kale waxaa isagana dhaarinaya Madaxweynaha.

"WAXAAN ILAAHAY UGU DHAARTAY IN AAN U NOQONAYO DAACAD DIINTA ISLAAMKA, DALKAYGA SOMALILAND, DADKIIISANA KU MAAMULAYO SINNAAN IYO CADDAALAD INTA AAN XILKA HAYO".

QODOBKA 130AAD DHAQAN GELINTA DASTUURKA IYO QODDOBADA KALA GUURKA

1. Dhaqan-gelinta Dastuurku waxay ka bilaabmaysaa marka afti loo qaado, natijada aftiduna soo baxdo, waxana si ku meel gaadha loogu dhaqmi karaa muddo saddex sannadood gudahood ah oo ka bilaabmaysa taariikhdi uu oggolaaday shirweynihii 3aad ee Beelaha Somaliland.
2. Haddii qabashada aftidu suuroobi waydo muddada loo xaddiday, waxa muddada ku meel gaadh ahaan loogu dhaqmayo Dastuurka kolba kordhin kara Baarlamaanka (Guurtida iyo Wakiilada).
3. Haddii ay xubin ka mid ah Golaha Guurtida ama Golaha Wakiillada ay ku timaado xaalad ka mid ah xaaladaha ku tilmaaman qodobka 50aad waxaa soo buuxinaysa beeshii uu ka tirsanaa inta laga gaadhayo nidaamka axsaabta ee doorashada.
4. Haddii ay ku timaado asbaabaha ku tilmaaman qodobka 86aad Madaxweynaha iyo Ku-xigeenka Madaxweynaha, ama midkood, inta laga gaadhayo nidaamaka axsaabta ee doorashada tooska ah, labada Gole (Wakiilada iyo Guurtida) ayaa si wada jira muddo 45 maalmood gudahood ah ku dooranaya Madaxweyne iyo Madaxweyne-Ku-xigeen ama midkood, iyadoo xilka jagada bannaanaatay muddada doorashada ka horaysa uu hayn doono Guddoomiyaha Golaha Guurtidu.
5. Daalka Jamhuuriyadda Somaliland waxa lagaga dhaqamaya xeerkii hore loogaga dhaqmi jiray ee aan ka hor imanayn Shareecadda Islaamaka, xuquuqda qofka iyo xorriyaadka asaasiga ah, inta laga soo saarayo xeerar waafaqsan Dastuurka Jamhuuriyadda Somaliland; isla markaa waa in la diyaariyaa xeerkii Dastuurka waafaqsan, waxaana lagu keenayaa xeer walba ugu yaraan muddada uu u xaddido Golaha Wakiiladu.
6. Haddli gobollada iyo degmooyinku ay muddo saddex bilood ah gudahood ku dhisan waayaan golayaal, Xukuumadda-dhexe waxay ku meel gaadh ahaan u magacaabaysaa maamulo gobolo iyo degmooyin iyadoo kala tashanaysa xubnaha Golaha Wakiilada iyo Golaha Guurtida ee metala gobolladaas iyo degmooyinka iyo weliba guurtida degaamadaas.

Magacyada Guddiga Isku-duba-ridka Dastuurka:

1. Sh. Cabdilaahi Sh. Cali Jawhar	Guddoomiye
2. Maxamed Axmed Cabdulle	Guddoomiye-ku-xigeen
3. C/qaadir X. Ismaaciil Jirde	Xoghaye
4. Sh. Maxamuud Suufi Muxumed	Xubin
5. Maxamed Sicud Maxamed (Gees)	Xubin
6. Sh. Cali Sh. Cabdi Guuleed	Xubin
7. Faysal Xaaji Jaamac (Qareen)	Xubin
8. Cismaan Xusseen Khayre (Garsoore)	Xubin
9. Prof. Faarax Cabdilaahi Farud	Xubin
10. Prof. Maxamuud Nuur Caalin	Xubin
11. Xasan Cabdi Xabad	Xubin
12. Axmed MacaIm Jaamac	Xubin
13. Yuusuf Aadan Xuseen	Xubin
14. Cismaan Call Bille	Xubin
15. Maxamed Jaamac Faarax	Xubin

GUDDIDA DIB U HABAYNTA IYO DIB U EEGIDDA DASTUURKA

GOLAH GUURTIDA.

1) Mud. Siciid Jaamac Cali	Guddoomiye
2) Mud. Axmed Nuur Aw Cali	Xoghaye
3) Mud. C/Laahi Sh. Xasan	Xubin
4) Mud. Sicild ClLaahi Yaasir	
5) Mud. Cali X. Cabdi Ducaale	
6) Mud. C/raxmaan Axmed Areye	
7) Mud. Maxamed Cilse Faarax	
8) Mud. Yuusuf ClLaahi Cawaale	
9) Mud. Muxumed Aw Axmed	
10) Mud. Maxamed Gaaxnuug Jaamac	
11) Mud. Maxamed Cismaan Guuleed	

GOLAH WAKIILADA.

1) Mud. Xasan Axmed Ducaale	Guddoomiye
2) Mud. Cali Maxamed Cumar	Xoghaye
3) Mud. C/raxmaan Xuseen Cabdi	Xubin
4) Mud. Maxamed Xuseen Dhamac	
5) Mud. Cabdi Daahir Camuud	
6) Mud. C/Laahi Ibraahim Kaarshe	
7) Mud. Axmed ClLaahl Call	
8) Mud. Faysal X. Jaamac	
9) Mud. Maxamed Aadan Gabaloos	
10) Mud. Cumar NuurAare	
11) Mud. Yaasiin Faarax Ismaaciil	
12) Mud. Yaasiin Maxamuud Xiir	
13) Mud. Cali Obsiyye Diiriye	

GUDDIDA SIXIDDA, HUBINTA IYO SOO-SAARIDDA NUQULKAN DASTUURKA:

(Iyo Saxeexooda)

1)	Mudane Axmed Maxamed Aadan	Guddoomiye (Wakiiladda)
2)	Mudane Axmed Nuur Aw Cali	Xoghaye (Guurtida)
3)	Mudane C/Laahi Sh. Xasan	Xubin

4) Maxamed Xuseen Cismaan

Xoghayaha (Golaha Wakiilada)

**Sh. Ibraahim Sh. Yuusuf Sh. Madar
Guddoomiyaha Golaha Guurtida**

**Axmed Maxamed Aadan
Guddomiyaha Golaha Wakillada**

XOGHAYNTA GUDDIDA DASTUURKA

- 1) Faisa Maxamed Axmed
- 2) C/risaaq Sicild Ayaanle

30 APRIL 2000